

**SEVENTH LEGISLATIVE ASSEMBLY OF MIZORAM
(FOURTH SESSION)**

LIST OF BUSINESS

FOR SEVENTH SITTING ON WEDNESDAY, THE 19th NOVEMBER, 2014
(Time 10:30 AM to 1:00 PM and 2:00 PM to 4:00 PM)

QUESTIONS

1. **Questions** entered in separate list to be asked and oral answers given.

FINANCIAL BUSINESS

DISCUSSION AND VOTING ON DEMANDS

2. **Pu LALSAWTA**, Minister to submit to the Vote of the House Various Demands under his charge.
3. **Pu P.C. LALTHANLIANA**, Minister to submit to the Vote of the House Various Demands under his charge.
4. **Pu B.D. CHAKMA**, Minister to submit to the Vote of the House Various Demands under his charge.

NGURTHANZUALA
Secretary

....

** Please see Bulletin Part-II Sl. No. 61 dated 13th November, 2014 for Demands to be moved by Ministers.

SPEAKER : Thupek zawng zawng fimkhur taka in zawm chuan, in chhuak vak te chu malsawmin in awm ang a, in lo hawng te pawh malsawmin in awm ang. (Deuteronomy 28:6).

Tunah question No.91na kan la ang a, a neitu member zahawm tak Pu K.Sangthuama zawt turin sawm ila.

Pu K.SANGTHUAMA : Pu Speaker, ka Starred Question No.91- na, Public Works Department Minister zahawm tak chhan atan :-

- (a) Chhangurkawn-Govt. Complex kawng hi re-surfacing tumna a awm em ?
- (b) Zonuum-Govt.Complex kawng hi re-surfacing tum a ni em? tih ka zawhna a ni e.

SPEAKER : Chief Minister zahawm tak Pu Lal Thanhawla chhang turin i sawm ang.

Pu LAL THANHAWLA, CHIEF MINISTER : Pu Speaker, member zahawm tak Pu K.Sangthuama zawhna chhan na chu -

- (a) Awm e. Chhangurkawn - Govt.Complex kawng hi kumin 2014-2015 chhung a re-surfacing tih tum a ni.
- (b) Zonuum - Govt.Complex kawng chu re-surfacing tih tumna a awm lo tih a ni e.

SPEAKER : Zawhbelhna a awm em ? A awm loh chuan... aw Pu Hmingdailova.

Pu HMINGDAILOVA KHIANGTE : Pu Speaker, ka lawm e. Zawhbelhna hi saw lam siam turah i ngai deuh a niang. Serkhan - Bagha road laih lai hi laih lovin a awm rei tawh khawp mai a. Contractor te pawhin laih an chak hle a, an nghak rei tawh khawp a. An laih zawm theih lohna chu Compensation Assessment siamfel vek tawh hi sorkara thehluh niin ka hria a. Sorkar hian a la sanction lo va, engtikah nge a sanction theih ang tih a changtu minister zahawm tak ka zawt a ni.

SPEAKER : A changtu Chief Minister sawm ila.

Pu LAL THANHAWLA, CHIEF MINISTER : Pu Speaker, member zahawm tak Pu Sangthuama chhanna kha han sawi belh lawk ka duh a. Chhangurkawn – High Court kawng hi a

hmangtu an tam zawk avangin pawisa awm ang angin tun financial year 2014-2015 chhung hian re-surfacing tih turin 13th Finance Commission grant atangin ₹ 75 lakh dah a ni a. Zonum- Govt. Complex hi black top na a rei tawh a. Nikum hmasa lamah pawisa awm ang angin tlem tlemin re-surfacing tih a ni a. Kumin maiah a khwar chhe zual a, hei hi siamthat deuh reng a ni.

Tin, Bagha pawh kha compensation avanga buai tho a ni. Compensation estimate hmasa ah chuan vaibelchhe 6 leh 72 a ni a. Compensation lak theih dawn tih hriat atang khan LSC leh Pass a lem te, a lem lo te a lo awm leh teuh pek tawh a. Tichuan khang zawng zawng kha an han entertain dawn chhin a, an han estimate leh a vaibelchhe 13 dawrh ah a kai a. Hei hi keimahni pawisa atanga pek tur a nih avangin pek tur kan nei rih lo a ni.

SPEAKER : A awm tawh lo maw ? Starred Question No.92-naah kal ila, a zawt turin Pi Vanlalawmpuii Chawngthu, MLA zahawm tak sawm ila.

Pi VANLALAWMPUII CHAWNGTHU : Pu Speaker, ka zawhna Starred Question No.92 na Transport Department minister zahawm tak chhan atan –

- (a) Aizawl – Silchar Bus tlan tir leh tur tih kha tlan tir a ni ta em ?
- (b) Aizawlah Taxi Permit pek belh leh tumna a awm em ?

SPEAKER : A changtu minister zahawm tak Pu John Rotluangliana sawm ila.

Pu JOHN ROTLUANGLIANA, MINISTER : Pu Speaker, member zahawm tak Pi Vanlalawmpuii Chawngthu zawhna chhanna chu :-

- (a) Aizawl – Silchar Bus tlan tir tur kha tlan tir a ni ta e tih a ni a. Tilai hi kan sawi zau hlek duh chu, Aizawl – Silchar inkarah hian Bus service hi hun eng emaw chen alo tawp tawh a. Tichuan tunah hian Bus thar 2 kan lei a, Bus te chi mi 12 chuan theihna pakhat ₹ 11,32,884 in. Chutiang chuan tunah hian Bus kan service thar tir leh a. A/C Bus a ni a, kan service-na ala rei vak lo va, 24th October atanga service tir kha kan ni a. A chuang duh tan pawh tunah hian Bus thar tha A/C kan tlan tir a ni tih kha ka'n sawi nghal duh a ni.
- (b) Tun dinmunah chuan Sorkar (STA) hian Aizawl a Taxi Permit pek tumna a nei hrih lo tih a ni e.

Speech not corrected.

SPEAKER : Aw, zawhbelhna a awm em ? Zawhna neitu khan a nei lo maw ? A neih loh chuan helamah a upa ber Pu Pianmawia kan pe phawt ang.

Pu R.L. PIANMAWIA : Pu Speaker, ka lawm e. Ka zawhbelhna chu ka bial Zohmunah khian MST tlan tir thin a ni a. Silchar kawng ang bawh a hun eng emaw chen tlan tir loh a ni a, Krismas te alo hnai leh ta bawh a tlan tir veleh dan a awm thei ang em ?

SPEAKER : Helamah Pu Nihar Kanti Chakma-in zawt leh phawt se la, a indawt te tein.

Pu NIHAR KANTI CHAKMA : Pu Speaker, ka lawm e. Tlabung – Lunglei kawng hi Tlabung mipui tan chuan lifeline a ni a. A hma khan MST nitin a service thin a, tunlai hian a service tawh ngai lo va. Lunglei atangin Tlabung nitin MST hi a service thei em tih ka zawt a ni e.

SPEAKER : Pu Chalrosanga.

Pu CHALROSANGA : Pu Speaker, ka zawhbelhna (1) Taxi Permit thi tawh te hi tih nun leh theih a ni em ? (2) Tunlai sun control hi a bel leh theih tawh em ni ? tih hi ka zawhna a ni e, ka lawm e.

SPEAKER : Chungte chu chhang phawt sela, helamah Pu Zothansanga khan a zawt leh dawn nia. Chhang phawt mai rawh nakinah i theihngilh hmain.

Pu JOHN ROTLUANGLIANA, MINISTER : Pu Speaker, member zahawm tak Pu R.L.Pianmawia zawhna Zohmun lam kha tun maiah chuan han tlan tir turin Bus kan indaih lova, kan nei remchang rih lova, a remchang kan la zawng dawn nia. Chu chu Tlabung lampang nen khan a inang mai, a chhanna chu hla deuh mahse.

Tin, Member zahawm tak Pu Chalrosanga zawhna Taxi permit renew tih hi tunah rih hi chuan kan phal tawh lo a ni. Renew tihah hemi an renew thin hi hemi thlaruk chhung, taxi lei turin permit kan pe a, thlaruk chhunga an lei loh khan rawn renew kan remti tawh lo a ni. Chung taxi permit kan pek te chu Aizawl khawpuih nilovin district hrang hrangah te a ni a, Aizawl khuaah chuan kan pe tawhlo hrim hrim a. Tin, chumi rual chuan replacement tih pawh hi kan awih lova, a chhan chu, an taxi kha tute hnenah emaw an va hralh a, a thar an lei leh a, tichuanin

replacement an rawn ti leh a, khati anih kha chuan taxi permit pakhat kha a thi thei tawh lo, tawpin tai a awm tawhlo va, an renew zel ringawt a, chuang chuan an taxi a chhe tak taka, anmahnin eizawnnan an hmang ngei anih te, tin, an taxi a accident a, a chhia a, a run tlak tawh lova, an off road anih chuan Police verification te nen chutiang chu special case a tih theih a ni ang. A nazawnga a pawng ataka hralh chhawna, khatia rawn renew te, replacement rawn siam te kha kan remti tawhlo a ni, Pu Speaker, ka lawm e.

Speech not corrected.

SPEAKER : Pu Zothangliana i lo sawm ang.

Pu H. ZOTHANGLIANA : Pu Speaker, ka lawm e, ka hming dik takin min lam thei a, ka lawm e, ka zawhna chhanna hi khatiang kha a ni mai ati leh ang tih kan hlau deuha, amaherawhchu tlemin a dang deuh hlekah kan ngai a, kan bial ve Sangau ah khian Christmas dawn hnaih ah chauh hian bus min tlan sak ve thina, hun dangah chuan kan phut lemlova, kan beisei ngam lova, tunah pawh hian min tlan sak leh hram thei ang em ? tlan tir leh theih hram a ni ang em tih kan zawt hram a ni. Ka lawm e.

Pu CHALROSANGA RALTE : Pu Speaker, khawngaihni kan Minister zahawm tak khanin sun control kha a bel theih tawh em ni tih kha min chhang miah lova, khawngaihni min chhang thei ang em le ?

Pu JOHN ROTLUANGLIANA, MINISTER : Kan member zahawm tak, Pu Chalrosanga zawhna nichin khan ka lo chhang kimlo deuha, sun control hi a permissible chin a awma, khami bak kha chu a bel leh theih dan a awm chuang lova, dan lova an bel anih kha chuanin dan lovin an bel a ni mai. A bak kha chu a permissible chin bak kha chu dan ang chuanin a bel theih loh.

Tin, Sangau kha Christmas dawnah bus service an ti a, ni e, hei bus service hi tunhma atang khan Sumo hian min luahlan nasa khawp maia. Amaherawhchu, tun hnuah hian Sumo chuan man te alo san tak avang hian bus min dil leh nasa maia, Serhmun pawh kha kan Minister zahawm tak, Pu Lalrinmawia khan a Bialah pawh khan min rawn dil a, tunhma atanga tlan ngailo an ni a, anni kha tun November ni 3 atang hian kan tlan tir dawn a ni. Tlabung lam te leh hei Sangau lam te hi sawti lamah bus kan daha, District lamah, sawtilam ami ten an route an lo siamfel a, an lo tihtheih chuan tlan leh theih a ni anga. Amaherawhchu sawi leh sawi hnu, bus hi kan lo hluihlawn tam tawh lutuk a, tunah hian min dil thar an tam em em a, chuang chuan bus hi kan

indaih lova, engpawhnisela, kan officer te nen kan lo entlang anga, Christmas dawnah na na na chuan tih hram dan kan lo zawng dawn nia.

Speech not corrected.

SPEAKER : Awle, Chief Minister i lo sawm ang.

Pu LAL THANHAWLA, CHIEF MINISTER : Sun Control chungchang kha security reason avangin Central sorkar a strict a, Central-ah tu chin nge entitle ka hre lova, state ah chuan Sun Control hi Chief Minister leh Home Minister te chauh phal an ni. Tin, taxi hi a tlangpuiin midang khawpuiah chuan commuter te leh a hmang duh tute population nena inmil deuhin an pe thin a. Kan ramah hi chuan a duh duh kan lo pe mai thin a, tunhma deuh atang tawh khan, hei hi a kalphung a nilova, chuvangin a dan pangngai deuha kal a ngaih avangin permit nazawng han renew te leh a duh apiang leh a hman apiang pek kha sorkar in a remti tawh lo a ni.

Pu K. SANGTHUAMA : Pu Speaker, khawngaihin Sun Control kha a percent angin min hrilh thei lo maw ? a zat percent kha a awma, hetia bangbo taka Assembly House a awm ai chuan. Kan minister zahawm tak khan han sawi se tih ka ngen a ni.

SPEAKER : Minister i lo sawm ang.

Pu JOHN ROTLUANGLIANA, MINISTER : Pu Speaker, ka hriat sual loh chuan 75% niin ka hria, a visible a kha.

*Speech not corrected.

SPEAKER : Zawhna no.93-naah kan kal thei tawha, zawhna neitu member zahawm tak, Pu Lalruatkima zawt turin i lo sawm ang.

Pu LALRUATKIMA : Pu Speaker, ka lawm e. Ka Starred Question No 93-na PWD changtu minister zahawm tak chhan atan,

- (a) Sihhmui to Lengpui Road, NH-44 A Tlawng lei dawh hi tunge contractor
- (b) Engtikah nge hna thawh tan anih ?
- (c) Engtik huna thawh zawh tura ruahman nge a nih ? Extend a ni em?
- (d) Sanction amount engzat nge ?

(e) Revise a ni em ? A nih chuan engzatin nge revise a nih ?

(f) Engvangin nge a hun takah hna hi thawh zawh anih loh ? tih ka zawt e. Ka lawm e.

SPEAKER : Awle, Chief Minister zahawm tak, Pu Lal Thanhawla, chhang turin ilo sawm ang.

Pu LAL THANHAWLA, CHIEF MINISTER : Pu Speaker, member zahawm tak Pu Lalruatkima zawhna chhanna chu hetiang hi a ni. (a) na chhanna : Sihhmui to Lengpui road NH-44A Tlawng lei dawhtu contractor chu M/S Tantia Construction Ltd, Kolkatta te an ni a. (b) na chhanna : Agreement ang chuan ni 1.8.2009 atanga tan tura tih a ni a. Harsatna engemaw avangin hna hi ni 7.6.2011 ah tan a ni. (c) na chhanna : Agreement ang chuan thla 24 chhunga zawh tur a niin 1.8.2011 a zo tura ruahman a ni a. A huna zawh theih a nih loh avangin ni 1.4.2014 thleng kha pawhsei sak an ni. Sanction amount chu ₹ 795.85 lakhs a ni. (c) na chhanna : Revised a la ni lova, revised tum mek a ni. (f) na chhanna : Leihlawm dawhna hmunah hian ram compensation pek tur te, teak plantation awm vang te, electric ban sawn tur leh soil investigation tih avangte in a hun takah tan theih a nih loh avangin a zawh hun pawh a tlai phah a, Sairang lama a ban dinna hi a hnuai lung tui in a ei puk (erode) vangin siamthat a ngai dawn a. Heng vangte hian a hun takah zawh a ni lo a ni.

SPEAKER : Zawhbelhna Pu Lalruatkima, MLA i lo sawm ang.

Pu LALRUATKIMA : Pu Speaker, helai lei hi kan hriat angin tum hnih alternative tura kan dawh hi a chim tawh a, bailey bridge a khu, nunna chan em kan awm lova, ni 7.12.2005 khan a chim a, ni 31.9.2014 khan a chim leh bawk a. A thlakna tur lei khu a dawh chhung a rei em em mai a, kan sawi belh duh a chu Pu Speaker, hei department in chhanna min pe a, Session hmasa khan ka zawt tawh a, March ni 20.2014 a min chhanna ah hian hnathawh zawh hun hi ni 17, July, 2011 tiin min chhang a ni. Tunah hian hnathawh tan hun a rawn danglam leh ta daih mai a. Kan House property a ni dawn si a, eng hi nge ni kan kalphung department enkawltu kan minister zahawm tak hian mawh a phur lo thei lova. Chulaiah chuan hnathawh zawh hun tura min chhanna hmasa pawh hi July ni 17,2011 a ni a extended upto 1st April,2014 tiin session hmasa ah khan min chhang a ni. Tuna zawhna nen a lo danglam ta daih mai hi enge a awmzia ni ta aw tih ka zawt duh a. Tin, Pu Speaker, soil investigation ti hmasa lo khan khulaiah khuan kan official te khan hna an lo tan tir reng em ni? Erode a awm leh si a nih kha chuan erode awm thei tur ang zawng zawng kha chu a ban foundation-ah khan an hmu tur a ni dawn lawm ni? CPWD manual-ah pawh hian project-

ah reng reng soil investigation hi tih hmasak tur kha a ni a. Chutiang chu tih a ni lo em ni? Engatinge project tan hma in soil investigation an ti uluk lo em ni? tih ka zawt a. Tin, chu lo leh ah chuan tun session ah khan question hour ah tho hian Pu Speaker, kan minister zahawm tak khan contractor kha terminate la ni lo, thawk tawh lo ang khan kan ngaithla a, a bik takin Tantia ho kha. Chulaiah chuan, nimina zawhna unstarred ah khan contractor hi a in withdraw em ni? contractor hi a in withdraw lo tih a ni bawk si a. Khalaiah khan kan House-ah hian khawi zawk kha nge thu dik? Ban an ni ta nge tihtawp an ni ta nge? Termination Nilo tiha chhanna awm bawk si a ni e tiha chhanna awm bawk si kha engeni thudik kha he House zahawm tak hi min hrilh thei em ka ti a. Tin, zawhbelhna dang leh chu contractor te hi tun dinhmunah khulai lei dwh na atan khuan sum engzat nge kan pek tawh? tih ka zawhbelh e.

SPEAKER : Awle, kan Chief Minister i sawm ila.

Pu LAL THANHAWLA, CHIEF MINISTER : Pu Speaker, a zawh hun leh khatiang tahrik neuh neuh kha a dikloa a in contradict a nih chuan a hmasa ami nen pisa lampang inthlahdah vang a ni tih a chiangin ka ring a, a pawl khawp mai. Mahni hnaa tui vaklo te hi kan ngah khawp a, kan sorkarah hian tui tha tak tak an awm teuh rualin tui vak lemlo phuailuai deuhte hi an awm thin a, thil pawl tak a ni.

Tin, contractor te kha an in withdraw lova, tun thlenga contractor hnena pek chu nuai 357, sing 9, 150 a ni a. Tin, tun hnai deuh ti mai ang, sorkar hmasa sa leh atang tawh pawhin heng lei dawh vel ho hi, 'a dik lo, a chuti khati', tih hi a tam hle mai a. Hei hi thil pawl tak a ni a. Redseismic zone-ah kan awm a. Khawvela lirngching rapthlak englai pawha thlen theihna reng ram kan ni a. Chubakah mithiam te chuan kan ram leilung formation hi a loose a ni an ti bawk a: chuvangin, landslide prone area te pawh kan ni a. Heng zawng zawng hi chipchiar taka en vek a, hetiang leihlawn, hnam ro ang chi te hi chu tih tur a ni a. Chu chu an ti lo tihna em ni ang ka hre lova, khulai lei te, Bairabi a kan dawh ang te pawh hi, 'a foundation a dik lo, chutiang khatiang, chuvangin tih that leh a ngai', tih hi a ni deuh reng mai a. Mithiam ka ni ve lo va, thuk tak ka zuk hre ve lo va, mithiam kan rawhteah hian kan inngat mai a, annin an tihdik loh chuan kan dik lo a ni mai a. Chuvangin heng hi thil pawl tak a ni a. Khungah te pawh khuan a rawih chu an han ruai ve bawk a, Judaipur University-a Geo-Physicist Dr.R.K.Majumdar leh Dr.S.K.Samanta te pawhin an rawn enchhin a, 'a tha thawkhat e' an tih avanga kal chu kan ni a. Mahse, ni 2/1 rawn cham ringawt te hian kan soil te hi a zira an zir phawt loh chuan thil harsa tak a ni a. Chuvangin, ngun taka Redseismic zone a kan awm tih hria a, kan ram leilung formation te pawh a dup a ni, a

nghetlo a ni tih te, lei tlahniam te pawh hmun tinah kan nei a, heng ang te hi ngaihtuah thuk hle a ngai a.

Tin, lungchang hetiang hman tur tha te pawh hi nei lo ram kan ni a. Heng atang hian hetiang leihlawn uluk tur, hnam ro tur ang chi hi chu ngun lehzuah, uluk lehzuah a tih a ngai, en a ngai a ni tih hi a chiang a. Chuvangchuan, tun hnuah chuan fimkhur turin kan Engineer te leh hetiang lama mawhphurtute chu tunah pawh hian ka rawn nghal a. Tin, chutiang an tih loh chuan nakinah khu tuna lei chim ang te khu a vanduaithlak a, mahse khutah khu chuan kan engineer-ten mawh an phur vakin ka hre lova. Rukru ho sum ngaina, duham ho kha a mawhphurtu an niin ka ring a. Ven pawhin a sawt vak lova, hmannah ka sawi tawh a. Thenzawl leh Sairang inkara Mat lei te pawh saw an ru thin tih hriat a nih in chowkider kan dah ringawt a. Mahse, chowkider awm lohna lamah sawn an la ru zeuh zeuh reng e an ti a. Chuvangin, mihring tan a hlauhawm ang em tihte pawh hi check zeuh zeuh a ngai a, kan check tir zeuh zeuh bawk a, chutiang chu a ni a.

Chuvangin, khulai khu tunah hian kan harsat phah hle a, a pawi khawp mai a. Tun hnu zelah pawh helai mawhphurtute chuan an fimkhur hle a tul a ni tih an inhriatna tur atan pawh hmang nghal se a tha ang. Harsa miah lova han kaltlang mai theih a chakawm tehlul nen, khatiang khan thudik sawi mai hi a tha a. Kan engineer te an thiam tawk lo nge, an fimkhur tawk lo nge Bairabi bik pawh chutiang chuan a foundation a dik lo va, en that leh a ngai tih zel a ni a, a pawi khawp mai.

SPEAKER : Aw, Pu K. Sangthuama

Pu K. SANGTHUAMA : Pu Speaker, hmanni lei a chim khan ka zu kal ve a, ngun takin kan zu thlir a. Tuna kan Chief Minister zahawm takina an sawi a kilhna ruk tih leh thil kha chu alo awm anih pawhin chiang takin kan en vek hman lova, khalam kha chu thudang ni sela. Kan hmuh dan pakhatatah chuan a lehlam lehlamah a foundation a tan chhan tur kha a chahbi engmah a siam lova, a kilhna pawh a awm lova, fit 2 awrh kha helai hian a inphah pheih a. Chu chu heti laiah hian kilhna nghet tak awm ve tur awm tak kha a ni a. Chu chu an tihdan phung a lo nih loh pawhin tihdan phung atan chuan tha awm tak niah kan ngai a. Chuvangin, hetia tlema alo fual tak khan sawlam ami leh helam ami sairang lam leh lengpui lam kha an lo inpawt ta a, tichuan awlsam takin a tla ta mai a tih kha chiang takin kan hmu a, rei tak kan zu awm a. Chuvangin, kan Engineer te hian leihlawn dawh chu an thiam lova kan ti hauh lova, khulai an dawh khuan an enpui tawklo deuh a ni lo maw? Hei hi tun hnuah chuan fimkhur tawh sela, a that kan ring a. Khuti lai

khu engati nge nichina a zawh ang deuh hlek khan athlangta, tuna thawh mek khu a rei tawh viau va, tunah kan zawt chiang a, a foundation hnuaiiah hian khuarkhurum ti hian kurung ang deuh a awm phei a, chuvangin, en ngun leh loh chuan chhunzawm tlak a ni love an ti leh a, chuvangin, an dawh dawn hian nichina zawhna pakhatan an sawi ang khan ngun takin an en lo em ni? tih kha ka zawhna pakhat a ni a. Tin, engatinge a lehlam lehlamah khan chahbi awm miah lo a contractor hian Lei a dawh theih? tih kha ka zawt a ni, zawhbelhna atan.

SPEAKER : Dr K.Beichhua khan zawt nghal mai se.

Dr K.BEICHHUA : Pu Speaker, kan House leader chhanna ah khanin ka vei deuh mai a awm a, kan Chief Minister meuh chhan tur khatia contradict deuha session hmasa leh tuna mi answer an pek kha paw ka ti a, mi an inthlahdah hian achhan hi engvang nge tih kan zawn fo a ngai a. An in thlahdah chuan a enkawl tute pawh hi an in bih a tha in ka hria a, chuvangchuan khang in thlahdah te chungah khan action lak a ni ang em? Tih kha pakhatna a ni a, chulohah chuan question tha deuh deuh tam tak kan siama, assembly ah hian a chhanna awm mang lo awm anga kan ngaih te pawh hi tam tak a awm ani. Chungte pawh chu department lam hi khang chungah khan engtin nge hma kan lak ang tih kha ka zawhna a ni e.

SPEAKER : Awle, Chief Minister zahawmtak chhang turin sawm ila.

Pu LAL THANHAWLA, CHIEF MINISTER : Pu Speaker, inthlahdah ho hi chu kan ti zing khawp mai. Mizoramah hian sawrkar kalphung leh thil velah hian beidawng an awm chuan chung zingah chuan ka tel ve a, tun ang hi chuan a beidawn thlak a ni. Amaherawhchu kan beidawng thianga lo a, beidawng lo in kan kal hram hram zel a ni a. Work ethics te, work culture te, punctuality te, discipline te hi kan ngaipawimawh tehchiam lova, thenkhat phei chu hausak vanga tumah pawisa lo te pawh an awm maithei a, thudik sawi zel chi ka ni a, kei chu, ka peh hel ngai lova. Heng inthlahdah te hi head of department te leh secretary te mawh a ni a, chuvangchuan a khat tawka pisa te pawh hi check tura tih kan ni a. Tin, engemaw hleka action lak zel hi chu sawrkar kalphung a ni hrangpa lova, action lakna tur chi a awm a, kan sawi tak ang khan paw ka ti an awm a nih chuan, chung pawiti zingah chuan ka tel ve a ni tih bak kha chu tuna a rawn sawi kha chhanna ka nei thei lo va. Chungte avang tak chuan secretary zawng zawng hnenah lehkha te pawh ka ziaak a, “Sawrkar kalphung siam that dan

tur te, economy measure lak dan tur te, langtlang thei sawrkar, people friendly sorkar, effective sorkar, accountable to the people kan siam theih na turin rawtna rawn siam rawh u,” ka ti a, chung chu kan lo compile a, chumi base chuan department hrang hrang kha minister te nen lam in ko khawmin kan sawi a, kan la zo hman chiah lo a. Property return chungchangah te pawh a mawhphurtu awm deuh leh a key keeper awm deuh pawh in ko khawmin kan inhrilhfiah tawh a. Kan hun hmasa ah phei kha chuan kan luh hlim atang a reilote ah khan sorkar hnathawk a tam thei ang ber ko khawmin thil kalphung kan duh dan te kan in hrilhfiah a, theih tawpin tan kan la a ni. Mahse, sawi leh sawi hnu mahni tanghma haina te hi a nasa tawh a, sum ngainat nate hi a sang tawh a, duhamna te hi a sang tawh a, mahni aia thiam leh fing fel ven reng te chu a harsa khawp mai a. Thil ven sen pawh an ni lo, sing tel an ni leh nghal a.

Pu K. SANGTHUAMA : House leader zahawmtak khan leihlawn dawh dawn hian, nichina a sawi, ruk ni hauh lo, a foundation a a kilhna awm miah lo a kha, nge ni a kilhna hetia awm lo reng reng ta kha, khawngaihin min chhang thei em?

Pu LAL THANHAWLA, CHIEF MINISTER : Pu Speaker, engineer ka ni lo a, a check tu tur pawh ka niin ka inhre lo a, chutiang a awm tih pawh ka hre lo.

SPEAKER : Er.Rinawma.

Er. LALRINAWMA : Pu Speaker, minister zahawmtak chhan atan ka zawhbelh duh chu, tuna a tawpna ber, engvanga a hun taka thawh zawh a nih loh, tih a rawn chhanna laiah khan ka rilru ah awm a awm deuha, a chhan chu tender kan chhuah hma hian heng kan project tih tur te hi a hmun hma kha a tihfel theih loh emaw ni chu aw? tih kha ka ngaihtuah deuh a. A chhan chu tuna kan Serlui bialtu zahawmtak rawn zawhna Serkhan to Bagha, kha tender award a ni tawh a, amaherawhchu enge maw vangin hnathawh zawm theih loh ala ni leh a, chulaiah chuanin department-in tender a lo chhuah tawh a, chhangtu an awm tawh a, hlan an nih tawh si chuan contractor kutah alo lut a, tahchuan a thawh zawm theihlohna chhan leh vanga kha, contractor lamin min rawn mawh let ve leh an tum tawh maia, keimahniin kan clear theih siloh chuan, kha khanin escalation a siam chho a, chu chuanin project man kha a ti to leh zel mai si a. Chuvangchuan, hun lo kal turah hian tun chu tun ni ta se, heng hna kan thawh dawn hian tender kan koh dawnin, heng thil buai awm thei hi, a chin fel theih dan te a awm em? tih kha ka zawt a ni.

SPEAKER : Home minister.

Pu R. LALZIRLIANA, MINISTER : Nidanga heng House kan kaihruai danah hi chuan heng zawhna question hour ah te hi chuan, zawhna neitu leh mi pahnih dangten enge maw an zawh belh theia, tunah mi zawhbelhna tanga lo chhuak mai mai te zawhbelh zel ti hian, tawpin tai a nei theilo anga tlemin min vawng deuh la, ava lawmawm awm ve.

SPEAKER : Aw, anih leh aw, a lawmawm e. Kan Chief Minister.

Pu LAL THANHAWLA, CHIEF MINISTER : Pu Speaker, ‘tuna tender thlan tawh si, chu ti kha ti’, tih kha entirna tha tak kan nei a. Tuirial Hydel project, Kumpinu hun atanga Lal hun thlengin attachment area tur ah compensation claim thei tur huan ro nei engzat nge awm tih uluk takin, ngun takin official ten an en a, chhungkaw 48 emaw chiah an awm a ni. Chumi basis chuan kan kal a, NEEPCO hnenah kan entrust a, foundation stone te pawh kan lay a, BJP minister pakhat nen hna pawh an thawk tan a, mahse khami hnu ah khan tu tu te emaw, Chief Minister te leh a chhungte leh tu tu te emaw khan compensation kha an claim thar leh a, chhungkaw 1100 vel an lo pung ta a ni. Chutiang chiah chu Serkhan – Bagha road pawh hi a ni e.

SPEAKER : A nih leh zawhna 94-naah kal ila, a zawhna neitu member zahawmtak Pu Lalruatkima, ilo sawm ang.

Pu LALRUATKIMA : Pu Speaker, ka lawm e. Ka zawhna Starred Question 94 – na, kan minister zahawm tak PWD changtu Minister chhan atan -

- a) Khedacherra (Kanhmun) - Damcherra - Zamuang - Kawrthah - Tuilutkawn (KDZKT) Road siam hna thawk turin Contractor tunge thlan a nih?
- b) Tender amount engzat nge?
- c) Hnathawk tura thlan contractor hian engzat in nge a chhan?
- d) NEC ah sum dil belh leh a ni em? A nih chuan enge a chhan tih ka zawt e.

SPEAKER : Chhangturin a changtu Chief Minister zahawmtak ilo sawm ang.

Pu LAL THANHAWLA, CHIEF MINISTER : Pu Speaker, KDZKT road chungchanga member zahawm tak zawhna chhanna chu –

- a) Khedacherra (Kanhmun) – Zamuang – Kawrthah –Tuilutkawn (KDZKT) road hi siam hna thawk turin contractor thlan a la nilo.
- b) Tender amount chu ₹ 1,30,77,93,607.83 p a ni.

- c) Hnathawk tura thlan an la awm lo va, mahse, contractor chhang hniam zawk chhanna chu ₹ 1,74,39,95,942.95 p a ni.
- d) NEC ah sum sum dil belh a ni. Sum dil belhna chhan chu original estimate, PWD Schedule of rates 2010 hmanga estimate anga tender niin, a chhang hniam zawk (tender hi pahnih chauhin an chhan avangin) hian 33.35% laia a chhan san avang leh a chhan sanna hi awmze neia sang ni a hriat a nih avangin revised estimate siam a ni. Revised estimate chu NEC dil a ni. Tunah hian a dinhmun kan hre chiah lo va, sanction tura tih a ni a, mahsela minister an thlak tak khan, 'sanction zawng zawng keiman ka thlak vek ang', a tih tak avangin file zawng zawng kha Delhi-ah a ko vek a, chuta tangkhang zingah chuan a la tel pawh a ni mai thei a ni.

Pu LALRUATKIMA : Pu Speaker, ka zawh belhna chu, PWD minister zahawm takin a rawn chhanna atang khan, Session hmasa bawk atanga a chhanna kha ka satisfied lova ka zawt nawn leh a, a chhanna a la in ang lo cheu mai a, enge ni kan sorkar hi ka ti a, chuta ka zawhna ah chuan Session hmasa 20 March, 2014-a Starred Question no. 70-na ah khan "Contractor tunge he hnathawk tura thlan" ka ti a, chutah chuan M/S Draipal-ABCI (JV) Guwahati ami te thlan an nih thu hi House zahawm tak hriattir kan ni a. Tunah Pu Speaker, contractor thlan an la ni lo a ti bawk si a, khalai kha kan minister hian min hrilhfiah se tha in ka hria a. Original estimate hi PWD SOR 2010 atanga anih thu kan hria a, chutah chuan 33.35% zeta chhang tu kha kan pawm ta deuh ni khan a lang ta deuh va, chu chu a danglamna chu cheng nuai sangthum leh zathum chuangin an rawn chhang sang zawk a, chutah chuan CPWD manual 2014, 24.2 leh 24.3 ah te hian reasonability and competitive witness of rate Chiang takin a lang a, chutah chuan 5% aia a sang emaw 10% aia a hniam in pawm theih loh tur a ti bawk si a, keini chuan price escalation te han en han en pawh khan PWD SOR 2013 han en pawh khan heti lutuk a in duhsakna lan tir a, contractor te velh hi a tul kher em ni tih kha ka zawt a.

Tin, a chhangtu pahnih te kan sawi duh chu, M/S Draipal-ABCI (JV) hi ka hriat sual loh chuan company khat an ni a, hemi te hian an duh duh in min hnuk kual ta mai em ni, tender amount aia cheng nuai sangthum leh zathum aia sanga chhanna kan pawm sak mai tur chhan hi min hrilhfiah thei em tih ka zawt belh a ni.

Pu LAL THANHAWLA, CHIEF MINISTER : Pu Speaker, nichinah khan ka chhang tawh a, figure in ang lo te leh a chhanna in ang lo te hi chu kan pisa lam mawhphurhna a ni a, a chhanna compile tu zingah kan tel ve lova,

Pu LALRUATKIMA : Pu Speaker, khati khan a dik lo tih hre reng in a min assure thei lo em ni? Kan session chhung hian a dik zawk kha min hrilh thei lo em ni? Session hmasa ami leh tun ami hi a confusing ta tlat mai a, contractor pakhat session hmasa ah an hming nen tarlangin thlan an nih thu min hrilh a tunah thlan an la ni lo a ti leh si a, thudik hrilh tur in min assure thei lo em ni?

Pu LAL THANHAWLA, CHIEF MINISTER : Pu Speaker, revised estimate te a awm lo thei lo va. Mizoram phe chu kan hre vek a, engkim mai hi a te deuh pawh hi revised ngai deuh zel a ni a, North East ah pawh hian kan harsa deuh bik a ni. Tin, thlan tawh thlan loh tih vel a kha chu helaia zawhna chhanna pisa atanga an rawn buatsaih bak hi chu kei chuan hriat ka nei lo va, hriat pawh ka tum chuang lova, pisa lam han rinhle chuk pawh a ngai ka ti lo va. Mahse tun hnu ah erawh chuan bih chian hle a ngai a ni tih a lang hle a, member zahawm tak sawi kha a dik a nih chuan. Chuvangin khang kha chu ka lo en ang a, a tul ang in action ka la ang.

Pu LALRUATKIMA : Pu Speaker, ka lawm e. Session hmasa lam min chhanna hi House property-ah ka dah ange.

Pu T.T. ZOTHANSANGA : Pu Speaker, kan Session hmasaah contractor a hming chhan a ni a, chu chu a hrechiang em em tawh a, engatinge tun tum ah hian a rawn chhan nawn leh kher hei hi House zah lohna a ni em ka ti. A hmasaah chhanna a hmu tawh a, tunah a rawn zawt nawn leh kher a ni.

Pu LAL THANHAWLA, CHIEF MINISTER : Mizoramah, confidential a awm lova, confidential file ami pawhin hi tu pawh an hre vek thei a, member zahawm tak khan a lo zawt tawh a ama'rawhchu tunah pawh hian engkim a hriat theih a, a thil hriat thar leh atang khan zawh nawn ngai a ti a, a right a ni a, a rawn zawt nawn pawh hi a lawmawm ka ti khawp mai.

SPEAKER : Zawhna no. 95-na neitu Dr. K. Beichhua ilo sawm ang.

Dr. K. BEICHHUA : Pu Speaker ka lawm e. ka zawhna chu -

- a) Saiha N.Colony III sinking area a lei tlahniam venna tura Check Dam siam mek hi physical achievement leh financial achievement engzat nge tun dinhmunah hian ?
- b) Engtika siam zawh tum nge ni ?

Pu LAL THANHAWLA, CHIEF MINISTER : Pu Speaker, member zahawm tak K. Beichhua zawhna chhanna chu - a) Saiha New Colony III sinking area a lei tlahniam venna tura Check Dam siam mek hi physical achievement chu 10.82% a ni a, Financial Achievement chu NIL a ni. b) May, 2015 a siam zawh tum a ni tih hi a chhanna a ni a. Member zahawm tak hriat belh atan tunah hian he lei tlahniam venna tur hian nuai zathum sawmriat Ministry of Road and Transport & Highways atangin hmuh a ni a, hna hi thawh mek a ni a, contractor chu Lalfamkima, Ramhlun North a ni. A hna component pawimawh zual te chu RCC side drain 1133 running metre hna thawh mek a ni. Kawng chhuat siam that 800 running metres, he hna hi thawh mek a ni bawk a. Kawng head dawlna masonry wall 39 running metres, he hna hi thawh zawh tawh a ni a. Kawng ko dawlna masonry wall 48 running metres, he hna hi thawh zawh tawh a ni a. Kawng ko dawlna Retaining Wall 48 running metres, he hna hi thawh mek a ni a. Construction of slab culvert pakhat, he hna hi thawh zawh tawh a ni a. National Highway hnuai kawr pathumah hmun 8-ah check dam hi a siam tur a ni a. A siamna tur hi kawrte an nih avangin fur laia siam a harsat avangin, working season-a siam turin work programme hi siam a ni a, hna hi an tan thuai theih tawh beisei a ni.

SPEAKER : Aw le, zawhbelhna a awm lem lo a ni ang e. Zawhna No. 96-na-ah kan kal ang a, zawhna neitu Er. Lalrinawma, Member zahawmtak zawt turin sawm ila.

Er. LALRINAWMA : Pu Speaker, Ka lawm e. Ka Starred Question No. 96-na Vigilance Department changtu minister zahawmtak hnena ka zawhna chu –

- a) Tun dinhmunah Mizorama Gazetted Officer zingah Vigilance case nei engzatnge awm?
- b) Kum 2013 – 2014 chhung khan Sorkar hnathawk engzatin nge property return thelut? tih ka zawt e.

SPEAKER : Chief Minister zahawmtak chhang turin ilo sawm ang.

Pu LAL THANHAWLA, CHIEF MINISTER : Pu Speaker, member zahawm tak Pu Lalrinawma zawhna chhanna -

- a) Tun dinhmunah Mizoram Gazetted Officer zingah Vigilance case nei mi 25 an awm a.
- b) Kum 2013-2014 chhung khan sorkar hnathawk engzat in nge property return thehlut tihchhanna chu mi 3655 an ni a. Heng Vigilance case nei-te hi a hriat duh ka ring a.
- 1) James Lalsiamliana, DAO, Serchhip, (Misappropriation of Government money) a ni a.
- 2) H. Lalthanpuia, Director, Agriculture – Drawal of fraudulent bills amounting to ₹ 14,34,457/-
- 3) RakeshKumar, Head Master, Govt. Darlawn High School, Darlawn – Unauthorised absence on defalcation of Govt. money.
- 4) Zohmingthanga, DEO, Serchhip, Education Department – Granted permission to Samuel Vanlalawmpuia to attend training outside Mizoram beyond his authority in thil a ti a ni.
- 5) Motilal Chhetri, Inspector, Food & Civil Supplies – Property return siam lo. 6) P.L.Zohmingliana, DCSO, Kolasib – Sorkar buhfai hralh ru man.
- 7) Z.D.Zonuntluanga, Forest Ranger, Lunglei–Corruption (eiruk).
- 8) Dr.H.Saithanliana, Consultant, Community Health Centre, Thingsulthliah – Forgery of signature and drawal of fake MR Bills.
- 9) Dr. Robert Zirsangzela Thangluah, Medical Officer, Bungzung–a claim of compensation amounting to ₹ 14,75,000/-.
- 10) H.Lalchhuanvawra, Dy.Director, Horticulture – Misappropriation of fund for great cultivation at Hnahlan.
- 11) Lalrinawmi Renthlei, HEO, Horticulture - Misappropriation of fund for great cultivation at Hnahlan.
- 12) Lalbiaksangi, Dy. Secretary, GAD – Defalcation of Govt. money.
- 13) H.Lianzela, EAC, now DC Office Aizawl – Corruption charge misappropriation etc.
- 14) Lawmkima, MCS BDO, Bungtlang – Corruption.
- 15) R.Lalsangluaia, then BDO, Bungtlang South – Misappropriation of ₹ 18,44,826/-under IWDP –III Project.
- 16) Chuauhnnuna, PWD – Defalcation of Govt. money.
- 17) C.Vanlalsawma, Superintendent of Transport – Misappropriation of Govt. money.
- 18) C.Lalthianghlina, AE, Minor Irrigation Department – Misappropriation.
- 19) VL.Thlanawma, Dy.Director, ATI – Passed & released bill beyond permissible ceiling and take bribe of ₹ 2,00,000/-.
- 20) C.Zirkhuma, EE, PHE – Irregular financial management.

- 21) Lalramzauva, AE, PWD, Project Circle Division-III – Taking money from contractors, construction of Polytechnic Building at Champhai.
- 22) R.Zatawna, EE, PWD – Misappropriation of ₹ 67.75 lakh of Govt. money.
- 23) Vanlalduhsaka, CE, Highway, PWD – Award an amount of 13.75% more than the sanction amount to SMT Infracon.
- 24) A.Dutta, SDO, DC Office Aizawl - construction of works under MPLADS, Rajya Sabha Fund.
- 25) Thomas Zodingliana, AIG-III – Deployment of police personnel for his private works. Khang kha tuna Vigilance case nei mek te an ni a. Kum 2013 – 2014 chhunga sorkar hnathawk property return thehltut zat mi 3655 hian Vigilance Department-a property return 2013 -31-12-2013 a thehltut Gazetted Officer zawng zawng a huam a. Tun dinhmunah chuan Gazetted Officer te chauh hian property return an la thehltut rih a. Group B leh C te chu anmahni department-ah theuh property return thehltut tura hriattir an ni Pu Speaker.

SPEAKER : Zawhbelhna a awm em? Aw, Pu Rinawma.

Er. LALRINAWMA : Pu Speaker, nichin ka zawhna kha zawh loh thleng thleng min chhang deuh a. A tha tho-ah ngai ila. Engpawh ni ta se, Property return hi thla engzat danah nge an thehltut thin tih kha ka'n hre chak deuh a.

Pu LAL THANHAWLA, CHIEF MINISTER : Pu Speaker, hei hi annually a tih tur a ni a. Hmanni-ah khan ka sawi tawhin ka hria a. Hmanni lawkah khan Vanapa Hall-ah koh pawh kan ko khawm tawh nghe nghe a. kan CS hovin thil kalhmangte kan inhrilhfiah nghe nghe a. Property returns hi thil pawimawh tak a ni a. Govt. servants te corrupt leh corrupt loh check nan pawh thil tha tak a ni a strict thar leh zual kan tum a. A chhan chu corruption ven hi kan zavaia hna a ni a. Chuvangin, member zahawm tak te pawh helaiah ringawt rawn au chhuah pui lovin an hriat chu min hrilh selangin, kan huat zawng ber a ni a. Tin, chutiang chu kan huat avangin leipse ngam thah nih kan tum bawk a, kan ni bawk a. Lepse vek tawh ka ni kei phei hi chu. Kum tin an ti tur a ni a, tun hma chuan an lo ti tha thum duh lo va, Mizote hian engkim mai hi an kuhva khawr lei mai mai a. Vaiho tlemin an fimkhur deuh a, tun hnuah chuan strict taka ken kawh zel tur a ni a. Department theuh zelah khan check thin tura tih a ni.

SPEAKER : Awle, zawhna 97-na Er. Pu Lalrinawma, Member zahawm takin zawt ve se.

Er. LALRINAWMA : Pu Speaker, ka lawm e. Education Department changtu minister zahawm tak hnena ka zawhna Starred Question No. 97-na chu, Mizoramah hian Housing Co-Operative Society hi din ve theih a ni em? tih ka zawt e.

SPEAKER : A changtu Minister Pu Lalrinmawia Ralte chhang turin sawm ila.

Pu LALRINMAWIA RALTE, MINISTER : Pu Speaker, Tuikum bialtu Member zahawm tak, Er. Lalrinawma Starred Question No. 97-na, “Mizoramah hian Housing Co-operative Society hi din ve theih a ni em?”, tih chhanna chu, “Mizoramah hian Housing Co-operative Society hi din ve theih a ni”.

SPEAKER : Zawhbelhna, Er. Lalrinawma baw

Er. LALRINAWMA : Pu Speaker, ka zawhbelhna chu - Mizoram State Co-operative Housing Financing Federation Limited kha a la function nge, vawiinah engnge an chanchin ni ta le? tih kan zawt e.

SPEAKER : Minister zahawm sawm ila chhang turin.

Pu LALRINMAWIA RALTE, MINISTER : Pu Speaker, Member zahawm tak Er. Lalrinawma zawhbelhna hi pawimawh deuh a ni a. Mizoramah hian Primary Housing Co-operative Society tih hi tun hmam 12 lai a lo ding tawh a. Primary Society 10 an din chinah khan State Level Society hi din turin an ngen thei a. Chutiang tak chuan 1988-89 khan Mizoram Sorkar-ah hian Mizoram Housing Federation Society (han tih chu ka tawng sual palh a ni). Mizoram Housing Co-operative Federation tih kha a ding a. Chutah chuan Sorkar pawhin Sorkar share pawh cheng nuai 7 lai an lo pe a ni. Khami hmang khan khang Primary Housing Co-operative 12 te tan khan sum LIC-ah te HUDCO-ah te zuk zawn sak ve turin hemi State Level Federation hi a inring ve a. Crore 1 vel puk thei turin an inngai a. Amaherawhchu, an puk thei ta lova, an sum zawn kha LIC ah tepawh nuai 50 an dil a, chu pawh chu an hlawhchham a. Khatia an kalchhoh zel takah kha chuan kha Mizoram Housing Co-operative Federation kha loh theih lohvin a tawp ta a ni. Chuti anih takah chuan a hnuai lama Primary Society pawh kha a zatve zet chu an registration kha tihtawp a ni tawh nghe nghe a ni. A chhang fiah em aw?. Ka lawm e.

SPEAKER : Awle, zawhna hun hi a tawp a ni mai lo maw? Kan mit hi a inanglo thei a. A tawp ta a, ka hma ami khi i ring mai ang aw.

Awle, tunah chuan Financial Business-ah kan kal leh ang a. Voting on Demands kan la ang a, Minister 3 chan hi vawi khata lakkhawm ni sela ka'n ti a. Chu chu House-in kan remti mai lawm ni? Minister pathumte Demand kha vawiinah kan la kawp dawn a, rem kan ti mai em?

Awle, rem kan ti tlang maw a lawmawm e. Minister zahawm tak Pu Lalsawta ko hmasa ber ila. Ani hian a demand 1-na Law & Judicial, Taxation, Finance Department, Planning & Programme Implementation, a demand pumpui pawisa chu nuai ₹ 80763.29 a ni a. Hei hi House-a sawihoah ngaihtuah atan rawn move sela a tha ang e. Minister zahawm tak i sawm ang.

Pu LALSAWTA, MINISTER : Pu Speaker, on the recommendation of the Governor of Mizoram and with the permission sir, I move demand No. 4,8,9 and 14 for ₹ 80763.29 only for meeting expenses during 2014-15 in respect of the following departments. (Rupees in lakhs) - Demand No. 4 - Law & Judicial Department, ₹ 2781.15; Demand No. 8 - Taxation Department, ₹ 1233.30; Demand No. 9 - Finance Department, ₹ 49718.58; Demand No. 14- Planning & Programme Implementation, ₹27030.26. The total- ₹ 80763.29.

SPEAKER : Tunah chuan minister dang kan sawm ang a. Pu P.C. Lalthanliana, a Demand No. 19,29 leh 32-na, Local Administratin Department, Social Welfare Department, Horticulture Depatment. A zavaiin cheng nuai ₹33554.73 te hi House ngaihtuah turin rawn move sela.

Pu P.C. LALTHANLIANA, MINISTER : Mr. Speaker Sir, on the recommendation of the Governor of Mizoram and with your permission sir, I move the demand no. 19,29 and 32 for ₹ 33,554.73 only for meeting expenses during 2014-2015 in repect of the following departments. Demand No. 19- Local Administration Department - ₹ 7,310.05, Demand No. 29- Social Welfare Department- ₹ 12,682.68, Demand No. 32, Horticulture Department - ₹13,562.00. Total : ₹ 33,554.73 only. Thank you.

SPEAKER : Tunah hian minister zahawm tak Pu B.D. Chakma ama Demand No. 35-na leh No. 41-na, a zavaiin cheng nuai ₹ 5690.25 House a sawiho atan rawn move ve se la, ilo sawm ang.

Pu B.D. CHAKMA, MINISTER : On the recommendation of the Governor of Mizoram and with your permission Sir, I move the Demand No. 35 and Demand No. 41 for ₹ 56 crore 90 lakhs and 25 thousand for meeting the expenses during 2014-2015 in respect for the following Department. Demand No. 35 Fisheries Department amount ₹ 28 crore 56 lakhs and 85 thousand. Demand No. 41 Sericulture Department the amount is ₹ 28 crore 33 lakhs and 40 thousand, total ₹ 56 crore 90 lakhs and 25 thousand only, thank you.

SPEAKER : Awle, kan Minister zahawm tak pathumin an Demand hrang hrangte House a sawiho atan an rawn move ta a. Tunah chuan a sawiho kan tan thei ta a.

Hei minister pathum lai chan kan ngaihtuah ho dawn a, chuvangin member pakhat tan hian thusawina hun hi minute 10 ti ta mai ila a rem ang em? Awle, hnialna a awm loh chuan remah kan pawm ang a. Member pakhatin minute 10 theuh, hemi a pathum hian minute 3 leh tlem theuh pakhat tan kan hmang dawn a ni tihna a nih chu. Tunah hian a sawiho tan ila tunge sawi hmasa ber ang le? Sawi tur kan awm loh chuan minister kan sawm mai dawn em ni wind-up turin? Er. Lalrinawma.

Er. LALRINAWMA : Pu Speaker, ka lawm e. Hun a liam mai ang tih ka'n hlau si a, kan han sawi ang a mahni ngaih pawimawh zawng zawng te. Nia hei heti zat hi waviinah an rawn chhawpchuak a Demand for Grants atan. Kum tawp lampang tawh te a ni a, a pumpui a ni a thil tam tak chu a kal teuh tawhin ka ring a. Amaherawhchu hunin min rawn nang a hetiang hi a ni ta mai a, a thaah ngai zel ila. Demand hrang hrang ka'n sawi duh helaia kan han sawi hovah hian ngaih pawimawh ve deuh hlek ka'n neih chu Demand an rawn neihah hian hemi kan Object Head of Account te te kha zuk en ta ila, hetilaia a 50-na Other charges tih lai hi ka rilruah a awm deuh hlek a, hei hi kan Finance Minister zahawm tak hian engchin nge a huam? Han ngaih mai chuan hei a pawimawh deuh deuh ho salaries tih te thil dang dang chu kan dah vek a kan Demand-ah hian, Demand for Grant-ah hian. Amaherawhchu a pawimawh dan chu pakhatna (1) na te hi chu a pawimawh deuh vek mai a kan nei vek mai a, chutih rual chuan helai 50-na hi a zau deuh riau maiin ka hria a, keima han thlirna kiah chuan. Tuna kan han sawi turah pawh

hian Sericulture ho hian an nei lova, Law & Judicial hian cheng nuai 60.06 vel an nei a, Taxation in cheng nuai 2 vel an nei a, Finance in cheng nuai 3689.52 an nei a, Planning and Programme -in ₹ 229.7641 crore an nei a, LAD-in cheng nuai 430.75 an nei a, Social Welfare in nuai 1865 an nei a, Horticulture in nuai 200 an nei a, Fisheries in nuai 66 an nei a, Sericulture Department hian an nei lova. Hei hi Head pawimawh dang tam tak a awm laiin helai a kan dah vak mai lai a hi zawhna ka rilru ah a awm deuh a, a chhan chu eng chin chiah nge a huam a, thildang tam tak helaiah hian pawimawh tak tak a awm rualin helaia dah lo hi kan awm bawk a. Tuna kan Demand for Grants pumpuiah hian in hemi a Other Charge a awm zawng zawng hi crore ₹ 523.6724 crore lai a awm tling a ni. A kawng hi a zau riauin ka hria a lehlamah pawisa te a remchan ang ang a han dah na lai a Head a tak hi min han hrilhfiah se a tha in ka hre deuh a, a kuang hi a zau riauin ka hre deuh a chulai chu ka'n sawi chak deuh a. Sum inrenchem na kal zelah hian helai kan indah zau lutuk te hi a him viau em tih te pawh ngaihtuah tham a ni in ka hre deuh a. Chuvang chuan helai awm dan hi min hrilhfiah theih chuan a lawmawm ngawt ang. Tin, avai vai chuan ka sawi thla lo mai ang hun te a tlem si a.

Taxation bik hi han sawi ka chak deuh a. Taxation Department hi department lian lo mahse pawimawh tak si an ni a, anmahni indaih dan a zir hian kan rama chhiah lokal tur pawh hi thui tak a innghat dawn a, chuvang chuan anni lampang hi han duat deuh te hi a tha khawp in ka hria a. A chhan chu hnathawktu indaih loh avang hian entirnan, Mizoramah hian dawr kai an ni emaw contractor an ni emaw khatiang ang chi thil hrang hrang kha a assess-tu te, a chhiahkhawntu tur te, indaih lohna avang hian duh angin an pek luh ang tur pawh hi kan pek phak loh ka'n ring deuh a anni lam hi indaih thei sela chuan tun aia hmuhthat a beisei awm. Tin hei department -ah te pawh hian supplier ti mai ila tiang ang lian tak tak te pawh hi an lokal a hetiangah te pawh hian chhiah kan lak dan te pawh hi ngaihtuah kim a tha awm mang e aw ka ti a. Tin chhiah pek hi department lama pawisa sem leh kan nih avang hian a rem chiah lo nge ka hre lova, tun dinhmun ah hian kha hmanni lawk khan Saiha ah Subject Committee-III kan va kal a, khata kan va en pakhatatah chuan khami tender amount atanga 50% vel kha department chan a lo nia, a bak 40% bawr vel kha contractor chan a lo ni ta a. Lehlamah departmental work kan tih ang chi kha a kal ve a, chutiang chuan heta supply te pawh a ni ang khatiang ah khan phai lam atanga an rawn supply-ah hian a lehlamah kan Taxation Minister zahawm tak sawi ang khan midang registration han tih kha kan hreh si a; tiin online shopping te pawh kha chhiah kan la lo ang khan a sawi a chutih rual rual chuan

online shopping a ni emaw suppliers a ni emaw Mizoram firm te kaltlang hian anmahni te hi tih tir ta ila tichuan Mizoram firm te hming an hman chuan Mizoram firm kaltlang khan Sorkar pawhin chhiah a hmuh theih ka'n ring deuh a. Thil supply-tu tam tak an awm a, keini State rethei atan pheih chuan bungrua, contractor pawhin a thil siam sa department-ah a rawn hralh ang a ni a contract a thawhah pawh chhiah kan lak si chuan, anni supplier tam takte pawh chhiah la lova kan kal kan tir mai kha a that ber kha a rinawmin ka ring lo deuh a. Chuvang chuan hetiang ang thil hrang hrangah te hian ngaihtuahna seng ila a tha awm mang e aw tih kha ka han sawi duh a ni e, ka lawm e.

SPEAKER : Tunge sawi leh ang? Sawi tur dang kan awm tawh lem lo a nih chuan minister kha kan ko mai dawn nia. Pahnih dang pawh kha a khap vek dawn a nia. Aw, Pu K. Sangthuama.

Pu K. SANGTHUAMA : Pu Speaker, tunah hian minute 10 chhung hun kan nei a ni a. Sawi tur tam tak a awm a mahse a nazawng chu sawi sen a ni hauh lovang a, nakina min hrilhfhiah leh atan te sawi ka duh a. A pumpui thu ti mai ila, department pathum kan sawi turah hian Law & Judicial Department-ah hian Office Expenses tihah nuai 96.65 tih a awm a, Domestic Expenses tihah hian ₹40 lakh a awm bawk a, a pahnih hian nuai 136.65 a ni a. Heng hi pawisa inrenchem thu kan sawi a, chuvangin heng hi en deuh a tha lawm ni aw ka ti a. Office expenses-ah hian a tam khawp mai a, department pathum kan sawi turah hian Office Expenses tihah hian vaibelchhe 20 leh nuai 13 leh 14000 a awm mai a. Heng hi nakinah chiang deuh hlekin rawn sawifiah se a that ka ring a. Tin, a hrim hrimah office lampangah hian kan hman aia tam tur kan siam nge ni, kum tawp dawnah hian tih leh chuk chuk te a ngai thin a. Department thenkhatah hian kan indaih lo em em a, kan sawi tawh bawk thin buhfai lei nan te kan indaih loh laiin Office Expenses-ah hian tam tak financial year dawnah hian zawn chawp ngai te a awm fo thin. Chu chu tunhma atanga kan dan a ni a, waviin chauh a ni lova, kum tam tak kal ta atanga kan khawsak dan tlangpui a ni a. Heng hi a department tinah hian enpui ni ta se a that ka'n ring a. Kha kha Law & Judicial-ah chuan tawh mai se, a dang kha chu an Budget tam dan leh tam loh dan chiang takin kan hmu tawh a. A hman dan kan fimkhur hi a pawimawh berin kei chuan ka hria a.

Tin, Finance-ah hian chutiang bawk chuan Office Expenses nuai 232.14 a ni a, Domestic Expenses-ah khan ₹ 38.9 lakh a ni bawk a, a vaiin nuai 271.04 a ni a, khami pahnih belhkhawm khan. Finance te chu le, thil tih tur a tam deuh a eng eng emaw office lama lehkhapuan leina tur leh hetiang thilah hian tam tak a ngai pawh a ni maithei a. Mahse, nakina an sawifiah kha

thain ka hria a. Office Expenses-ah hian nuai 232.14 ngawt mai kum khat chhunga an awm kha, Domestic Expenses-ah hian ₹ 38.9 lakh ngawt a awm bawk si a, 271 chuang tah hian kan nei bawk a tih kha lo enchianga nakina kan Finance Minister zahawm takin a rawn sawifiah atan a thain ka hria a.

Tin, Taxation-ah pawh hian Office Expenses 77.25, Domestic Expenses-ah hi chuan a tlem viau a ₹ 10.10 lakh a ni a, a vain ₹ 87.35 a ni a. A tlangpui thuin pawisa renchem te kan kalphung chho zel tur atan sorkar tluang taka a kal chhoh zel theihna tura kan duh lai hian office lamah hian pawisa hman tur hi kan insiam tam deuh emaw ni chu aw tiin ngaihnan deuh ka nei a. Hei hi ngun taka en ni se la, a tawpah hmansen mang loh a then laiah a awm a, khawi maw laia hman tur nei mang lo hnenah khan hlan chhawn leh a ngai fo hi a tha ber lo a ni lawm ni tih kha vawiinah ka sawi chhuak duh a.

Tin, Tax chungchang hi vawiinah pawh min rawn phone a, thingtlang lam atangin, Taxation khawih pheih chu a ni lova, mahse sawina hun remchang a awm a nakinah Revenue sawi hunah kan la sawi leh tho turah ngai ila. Khawzawlah pawh khan LSC-ah ₹ 400 kan lakna thinah hei an khawn mek a ₹ 1000 te kan la a. Heng hi chu a punna hi a tam deuh a ni lawm ni an ti a. Ni e, pawisa renchem tur kan ti a, tax te pawh lak tur kan ti a. Tax lak ngawr ngawr hi chu objection a tam pawhin ka ring chuang lova, amaherawhchu, a pun hian a pun dan hi mumal deuh hlek sela, a let let ang chi lo deuhah hian kal ta sela. Kan thingtlang lam harsatnate kan hriatthiampui reng ngai hian kan hria a. Chu chu lo en ngun ni ta bawk sela.

Tin, pakhat lehah chuan Finance thil a ni a, nimina an sawi MLA fund chungchang kha kan zawm ve a. Kumin chhung chuan thil tih theih pawh a ni tawh lova, nakinah Budget kan sawi leh hun 2015-2016 ah chuan a theih ang tawka tihpun hi chu a tha khawpin ka hria a. Nimin lam sawihonaa an sawi kha kan support leh deuh a ni.

Planning-ah pawh hian Office Expenses ₹ 292.25 a ni daih mai bawk a, Domestic Expenses-ah hian ₹ 86.25 a ni a, ₹ 478.50 hemi pahnihah hian a awm a. Heng hi an Budget siam danah hian a tam khawp mai a, heng hi a tihlem theih deuh lawm ni, kuminah chuan a nih nih a ni zo tawh a. Kum kal lehah chuan enpui deuh chu a tha awm mang e aw kan ti a. Kha kha Finance lampang chungchangah ni ta mai se la.

Tin, LAD-ah pawh hian a tam angreng khawp mai a tuna mi ang kha, ₹ 35.18 lakh a awm a. Social Welfare-ah pheih hi chuan ₹ 700 lakh ngawt mai a awm a. Heng hi nakinah hrilhfiah fe loh chuan kan Chiang Lova. Domestic Expenses-ah hian ₹ 181.22 a awm bawk a, hei hi a kalphung a ni a. Tin, Supply and Materials-ah Social Welfare-ah hian ₹ 2298.32 lakh a awm a, heng hi chu a hriatthiam theih a, eng eng emaw mi tanpui nan leh thil lei khawmna atan an dah a ni a, thil awm tak pawh a ni a. Chuvangin, khalai a kha duhthu a sam tawk lo hlein ka hria a. Horticulture-ah hian chutiang bawk chuan a tam leh a ₹ 89.35 a ni a, Domestic-ah ₹ 23.7 a ni a. Fisheries-ah hian ₹ 442.2 lakh supply material atan hian a ni a, hei hi a tha a, a tam tur pawh a ni a. Sericulture-ah hian a tam tehchiam lova Office Expenses chu. Grant-in-Aid-ah hian ₹ 1491 lakh a awm a, heng hi chu a thain kan hria a. LAD leh Social Welfare lam kha chu hei, kan minister pawh hian a thawk tha a, a lawmawm khawpin ka hria a. Finance lam pawh an thawk tha a, thil an ngaihtuah chik peih a, han en vang vang pawhin a tha thawkhat viauin ka hria a.

Tin, Fisheries hi ngaih pawimawh atan a tha khawpin ka hria a. Kan ram eizawna kawng atan hian, hmasawna atana thil tha tak niin ka hria a. Hei hi uar lehzualin leh kan minister pawh hian theihtawp chhuahin kalpui selangin, kan ram tana sum leh pai kan lakluhna awlsam tak, mi intodelhna atana thil tangkai hmasa atan kum khat chhungin a thar theih mai a. Hei hi tang lehzual se tih hi vawiinah ka ngen duh a.

Tin, Sericulture hi a pawimawh em em mai a. NLUP ah pawh hian Sericulture duh aiin kan uar lo deuh hlek a. Hetatang hian kumina a chi kan chin kha nakumah a seng theih zel a. Mi tam tak hnenah hei hi tunhma atanga ka ngaihtuahnaa awm fo chu Sericulture-ah hian chhungkaw 23,000 hi beng lut thei ila, chu chuan kan ram economy hi tha takin a chawi kang thei awm mang e aw tih hi ka ngaihdan fo a ni a, chu chu vawiin thlenga ka ngaihdan a ni a. A hralhna a tha a, harsatna nei miah lovin sorkarin a lei thei zel a. Chuvangin, hetah hianin hma nasa takin la, kan ram chawikangtu tur niin ka hria a. Chuvangin Sericulture Minister pawh hi theih tawp chhuah a, kan House Leader pawh hian tuipui se kan duh khawp mai a. Kan Sorkar lai pawh khan chuti lutuk takin min tuipui lova hei hi vawiin thlengin kei chu ka la tui a, kan rama reitheih zawkte kut hnathawk mite, lo nei mi kan tihte pawhin awlsam taka pawisa an lakluhna a ni a. Directorate- ah hian a man an pe zel thei a, harsatna pakhatmah a awm lova, kan thar tam leh heng hi chu India ram pumpuiah pawh silk duh 80% vel khu chu India ramah hian an awm a ni.

Pu Speaker, minute khat lek India ramah hian silk hi a hmangtu kan tam em em mai a, Mizoramah te pawh parda-ah te pawh kan han hmang ve ta a, chuvangin Sericulture lam hi nasa

taka hma la a kan House Leader pawh hian lo tuipei sela tih hi vawiinah hian ka'n ngen a, ka'n sawi duh bawka ni e. Pu Speaker, ka lawm e

SPEAKER : Tunge midang sawi leh tur ding rawh ule. Sawi tur kan awm tawh lo em ni? Kan awm loh chuan wind-up turin minister kha ka sawm mai dawn a sin. Aw Pu Himpuia

Pu JOSEPH LALHIMPUA : Pu Speaker, ka lawm e. Hei tun tum kan budget session chu zawhna leh zawh belhna engmah ka la sawi ve lova. Tunah hian minister pathum chanpual kan sawi dawn a, ngaih pawimawh ka ngah em em a. Amaherawhchu ngaih pawimawh zawng zawng ka sawi lo ang a, kan member zahawm tak tak te khan an sawi tawh tho bawka. Kan sawi hmasak ber duh chu Finance leh Planning chungchangah hian hei kuminah India ram pumah kal dan thar kan hmang tawh a, CSS scheme 66 zet mai India ram sorkar in a neih te department-a direct-a kal thin kha State Plan Fund umbrella chhungah an dah ta a. Hei hi ngaihtuahna thar tam tak kan sen a ngaiin ka hria a. Pu Speaker, kan minister ten ngaihtuahna an seng nasa hle tih ka hria a, he lai House zahawm takah hian tarlan na remchang ka nei bawka, tawite han tarlan ka duh a ni.

A hmasa atan chuan kan House Leader zahawm tak kan Chief Minister ni bawkin kan bial chhungah Hall lianpui sa turin ruahmanna min siam sak a, a lungte pawh term hmasa khan min phumsak tawh a. Chu chu kan House Leader zahawm tak leh amah tanpui tu Minister of state leh kan Finance, Planning Minister te bakah department official an tang hle a ni tih ka hria a. Niminah khan Lunglei Chandmari Hall sakna tur ₹ 460 lakh senna tur kha work order min pe chhuak a, a lawmawm khawp mai a lawmthu kan sawi a. Chumi ruala ka sawi duh chu hei hi a ni, kan minister te theihpatawp a an tanrual hian ₹460 lakh work order la chhuak tur hian estimate siam atanga Planning Department te, Finance Department te, PWD te leh nodal department Sport Department-ah hian sorkar dawhkan 250 chuang a kal tlang a ni, kawng a thui khawp mai a. Kan House Leader thutiam a nih avang leh mahni bial chhung a nih avangin kan minister ten theihpatawpin min tanpui a. Chumi piah lamah chuan a kawng hi a thui a ni, hei hi kawng tawi zawk kan zawn a thain ka hria a, lawmthu ka sawi rualin example ah Pu Speaker, ka rawn sawi lang a ni. CSS scheme 66 State Plan chhungah a rawn lut ta a, Planing Department-ah te, Finance Department-ah te, a concerned department-ah te, a kal dawn a. Naktuka hman tur hi vawiinah te central sorkar hian min rawn pek chang a awm dawn a ni. Chung zawng zawngah chuan engtingge a kawng dik, kawng tawi, kawng awlsam kan zawn ang tih hi a tawi zawngin kan ngaihtuah hle a

ngaiin ka hria a, chu chu pakhatna ah ka'n sawi duh a. Pu Speaker, nimirah pawh lam ah te chuan kan inzawt nawk nawk a, term hmasa kan hman lai khan inhnialna tawp hleitheilo hi a awm a, wawiiin thlengin mipui hian ngaihdan thuhmun an la nei hleithei loin ka hria a. NLUP hi special project a ni tih leh a ni lo tih te; tin sorkar hun hmasa lamah BAFACOS hi tuma thal ve theih loh tuikhur sum hnar a ni em tih te a awm a.

Pu Speaker, he House zahawm taka tawite ka tarlan duh leh kan Finance Minister pawh ka zawh duh pakhat chu India ram pumpuiah hun engemaw chen, Planning Commission awm lai atangin Plan, Normal Central Assistant atanga tih theih loh chhonzawm na turin Additional Plan, Central Assistant (ACA), Planning Commission in min ruahman sak a. Chu chu India ram state zawng zawngin a kan nei a ni. Chuta tang chuan BAFACOS te pawh kha hman alo ni a, state dang zawng zawngin an neih ang a lo ni tih wawiiinah hian ka'n sawi duh a. Chutih rual chuan NLUP special a nih leh loh kha hei kuminah hian kan Plan chungah hian SPA (Special Plan Assistant) a lo awm ta a. Hei hi Congress kaihhruai UPA sorkar in India ram pumpui ah a hmang tan a ni. Pu Speaker, kan tawng duham palh ang tih ka hlau khawp mai a. Chutih rualin kan House Leader kan Chief Minister in NLUP kalpui tura Prime Minister te, UPA Chairperson Pi Sonia te remtihna a bul an tan a, Cabinet Secretary ho meuha meeting neih a nih hnu ah khan India ram state pumpuiah Special Plan Assistant hi a lo piang a ni. Kuminah hian plan hnuaiah SPA hi kan wawi 4 hmanna tur a ni a. Special Plan Assistant hnuaiah hian NLUP pawh a hranpa in min rawn pe a, chuvangin Zoram mipuite hian special a ni/nilo tih chungchangah hian hei hi kan hriat nawn a pawimawhin ka hria a. NLUP kan neih hma khan SPA hi India ramah hman a ni ngai lova, NLUP pawisa min rawn pek ah khan SPA hnuaiah min rawn pe a, khami avang kha nge khami atang khan wawiiinah hian sorkar kum kum 4-na SPA kan hmang tan mek a. Tunah hian SPA hnuaiah hlawkna tam tak kan tel ta a, a lawmawm hle in ka hria. Pu Speaker, keini Education Department pawh Treasury Square-ah hian kan Chief Minister leh kan Finance Minister in ruahmanna min siam sak a, Education Centre vaibelchhe 8 chuang man lai SPA atangin kuminah pawh kan sa dawn a ni, chungte pawh chu ka han tar lang duh a.

Tin, Pu Speaker, kan plan kalphung a lo danglam ta a, chumiah chuan nichina ka sawi tak ang khan NCA kan tih Normal Central Assistant hnuaiah pawh hian tun plan-ah hian vaibelchhe 896.58 kan hmu a, hei hi sorkar hnathawk hlawh atana kan hman ber a ni. Divisible outlay kan tih kum hmasa ai te chuan tlemin an tam ve leh a. Amaherawhchu, Pu Speaker kan Chief Minister ho a Planning Commission awm laia Plan discussion te an han neih a NCA a kan hmuh tur Gadgil Mukherji formula an tih hmanga min chawhchhuah sak bakah khan kan Chief

Minister ten theihpatawpa an zuk ngen avang a vaibelchhe 50, vaibelchhe 100, vaibelchhe 200 te minrawn pek belh theih phah thin kha. Tunah chuan Planning Commission thiah a ni ta bawka, khami zuk sawi belhna chance kha state zawng zawng tan pakhat mah a awm tawh lo a ni keini state pawh huamin. Chuvangin NCA kan neih tam theihna turin kan Opposition lama kan member te pawhin anrawn support viau a, kan Finance Minister khan, 'revenue kan tihpun te pawh a ngai a ni, revenue nei tam turin tan kan lak a ngai a ni. Sorkar leh mipuiin hei hi kan hriatthiam a ngai a ni', a ti a. Pu Speaker, hei hi uar takin he House-ah hian ka sawi duh a ni. Planning Commission-ah purchawka tur kan nei tawh si lova, chuvangin he Gadgil Mukherji formula calculation hmanga India sorkarin Budget min pek tur Normal Central Assistant ah hian revenue resources kan neih tam loh chuan engtik lai mahin kan dawng tam dawn lo reng reng a. Chuvang chuan kan in hmun a ni emaw, kan Motor tax a ni emaw, kan oil a ni emaw, tin, hlawh atanga kan pek dan tur te thil tam tak kan power man te, kan buhfai man ah te khan sorkar leh mipui hian sorkar tan, kan tan, kan ram tan, kan hnam tan tam zawk kan neih theihna tur atana revenue kan neih hi a pawimawh in ka hria a, chu chu uar takin ka han sawi a ni.

Pu Speaker, thil pahnih/pathum a tawp nan a ka sawi duh chu CSS 66 (sawmruk leh paruk) plan hnuai a lo luh tak ah hian nichinah kawng tawi a ngaih zia ka sawi a, kan Planning department te hian screening committee te pawh hi siam se ka duh khawp mai a. Tun hma khan CSS hnuai ah hian scheme tam tak hnathawhna tur tam tak a lo kal a, vawiinah hian plan hnuai a alo luh hi harsatna tam tak a awm kan tih rual hian vanneihna nasa tak kan neih chu plan chhungah hnathawhna tur sum tam tak kan neih belh tihna a ni. Chumi chu mumal taka kan enkawl loh chuan tun hma a CSS direct- a kal ai hian minister te leh ministry te hriat mang lova awlsam taka sum leh pai hmanna tam tak hi awm palh thei ang hi kan ven angai a ni. Chuvangin plan chhunga a lo luh takah hian kan Planning department te, kan Finance department te hian khang zawng zawng department inruahmanna anrawn siam kha awlsam tak, rang taka kan screen theihna turin a committee te pawh hi kan neih a pawimawh in ka hria a. Chumi ti tur chuan vawiinah hian Planning committee te pawh an indaih tawh lovang tih ka hlau a, kan tih chak a pawimawh hle in ka hria. Chumi ti chak tur chuan mihring ah a ni emaw, thuneihna a ni emaw kan hotu ten tan an lak pawh a pawimawh in ka hria, chung te pawh chu ka han sawi duh a. Tin, Pu Speaker, Sericulture te, Horticulture te, Fishery chungchangah te pawh hian heng sum leh pai tam tak kan neih atang hian lo neitu sangha khawi tu leh pangang khawi tu te hian engzat nge hlawkpui na an neih? Chung an hlawkpui na atang chuan kan state GSDP ah hian engzat nge kan chhun luh ve tih te pawh hi kan monitor na tur a ni in ka hria a, chulai chu uar takin ka han sawi ve duh a ni. Pu Speaker, hun min pek belh a, ka lawm e.

SPEAKER : Midang sawi tur kan awm tawh lo em ni? kan awm tawh loh chuan hun kan la nei a. Awle tunah hian Pu Lalsawta Finance Minister zahawm tak hian a demand chan te kha Law & Judicial, Taxation, Finance Department, Planning & Programme implementation a pawisa belh khawm kha nuai singriat leh zasarih leh sawmruk leh pathum leh singhnih leh sangkua (80763.29) a ni a hei hi an sawihona kha han wind up se la, pass dil nghal mai se.

Pu LALSAWTA, MINISTER : Pu Speaker, ka department hi member zahawm tak tak pathum ten an rawn sawi a, hetah hian member zahawm tak Er. Pu Rinawma hian online shopping te leh taxation lak belhna danga it thu te a rawn sawi a ka lawm khawp mai a. Tun kum kan House-ah hian Mizoram hmangaih tak tak, heti lama thahnem ngai tak tak kan awm tih a chiang a. Tin member zahawm tak Pu K.Sangthuama khan office expense hi a sang deuh hlawm lo maw a rawn ti a, hei hi hrilhfiah ngaiin ka hria a. Kan member zahawm tak ten an en tlangpui hi abstract a ni a, hei hi a department-in a pumpui a sum sen tur kha a ni a. Department thenkhat hi chuan district-ah te, district lo vah te office hrang hrang an nei a, Directorate pawh pahnih nei te pawh an awm a. Khatiang te a nih avang khan OE kan tih te kha a sang lo thei lo va, finance te pawh hi a va sang ve maw le an lo ti a nih pawh in khatiang chi ah khan a te lo thei lo va. Tin, planning te pawh sang anga lang kha kan reserve fund kan lo dah ve na te pawh Pu Speaker a lo ni a, midang hnen a kan la theh chhuah hrih loh. Tin, thenkhat hi chu hospital leh jail-ah te lungin tang te leh damlo te chaw tur te pawh kha a awm ve nual mai a, chutiang a nih avang chuan tam tak awma lang kha a nihna takah chuan department dang ai chuan kan tlem ber zawk a.

Taxation Department te, Planning and Programming Implementation te, Finance te, Law te, Law te phei hi chu kan indaih lo reng a, hmanni khan computer pakhat chu lei ve dan a awm lawm ni, kan ti a, kan han ngaihtuah a. Kan government advocate kal khawm te khan pakhat tal hi chu an rawn ti a, chu pawh chu kan lei hlei thei lo a ni a chuvangin kan member zahawm tak ten OE hi a tam lutuk lo maw an tih kha chu hmun hrang hrang a sem leh tur, district-ah te kan la sem tur te a ni a, khatiang khan min lo hriatthiam sak se a tul in ka hria a.

Tin, MLA fund tih pun chungchang kha an sawi a, kei a chhan tur teh chiah pawh a ni lo na chungin nakinah phei chuan General Purposes Committee te pawhin an la tih tur a ni ang a. Helai ah hian Pu Speaker, company pakhat hian manager a advertise a, hlawh a sang tha em mai a ti in mithiam tak pakhat a va interview a, ‘ka pu, i company hi ka en a, a te bawk si a, ka hlawh hi a sang hle mai a, engtin nge maw hlawh heti zat hi min pek theih ang le’? a ti a. A chhanna chu, ‘chumi ngaihtuah tur chuan alawm ka appoint dawn che’, a ti a. Chu ang deuh hlek chuan kan

member zahawm tak tak te khan MLA fund kan tih pun dawn chuan kan thawh tlan a ngai , mipui hneh thei turte pawhin tan kan khawh nasat a ngai tlang a. Keima mimal rilru (he lai hi sorkar aw angin ka chhuah thei lova) han sawi ta ila, pawisa hi kan hrek thei a, mipui tana kan rawngbawl na kiam chuang lo leh mipui tana kan rawngbawl na ti hniam chuang reng reng lo va sum hi kan hrek thei a, lakluhna pawh mipui tana harsa thlen chuang lutuk lo va kan tih theih chuan MLA Fund hi tam ta se kan bialte theuh hi chuan an hlawkpui leh zual zawkin a rinawm. Department-a kan han bel viau hian a kalkawngte a lo thui a, engemaw ti tak te pawhin a lo put ve thei tho va. Mahse, MLA Fund MLA kuta a awm hi chuan a tlangpui thu in bial miten thikthu chhe takin an lo thlir bawk a, chuvang chuan MLA Fund tihpun hi tha ka ti khawp mai a. MLA-te hi executive kan nilo tih kan in hria a, pawisa te pawh chutiang zawnga ti tur chu kan ni lo, legislature kan ni, dan siamtu tur kan ni. Mahse, chutih rual chuan rawngbawl na nei ve kan ni a, minister kan nih kher loh pawhin mahni bialah rawngbawl na pawimawh tak nei kan nih avang hian kan kut tih chak ve na tur atan leh hman pawh hman dikna ber hi chu (keima mimal ngaihdan ka tih tawh kha Pu Speaker), hetah hi chuan tihpun theih dan hi chu awm se tha ka ti a. Mahse, nichina company pakhata manager-in advertisement rawn chhangtu chhan ang deuh hlek khan keimahniin kan thawhchhuah tam dan a zir kha a ni dawn a ni. Khang kha tumah hian kan hrehin ka ring lo va. Tun session chhungah pawh hian kan han ngaihtlak zawng zawngah hian ruling lam aiin opposition lam amite thahnemngaihna kha a hniam chuang reng reng lo a ni tih kha a lang vek mai a, a lawmawm ka ti tak zet a.

Pu Speaker, NLUP chungchangah te, SPA chungchangte kha chu House hian kan hre tam tawh a, term hmasa pawh khan kan in hrilhfiah ngun tawh a. Tunah Planning Commission an rawn scrup ta a, a awm ta lo va. Hetianga wawiina kan dinhmun harsatna chhan hi sawifiah hlek chu tulin ka hria a. Planning Commission kha a awm tawh lo, Prime Minister pawhin a announce vek a. A awm tawh loh hnu khan Planning Commission kut hnu kha a ngai reng a ni, a pawisa pek ang chi kan neih kha a khauh ngai khan a khauh reng mai a, SPA a nih kha chuan SPA kha a la ni chhunzawm zel a, SCA a nih pawhin SCA kha a ni chhunzawm zel a, khatah tak khan anmahni awm tawh lo mahse, anmahni huanga pawisa awm kha a khauh ngaiin a khauh tlat avang khan kum dangah, 'hetah zawk hian kan mamawh e, hetah zawk hian hlawh kan neilo a ni, hetah hian min pe ula', tih kan pawisa neih atanga inremsiamna awm thin kha tun kumah hian a awm ta miah lo mai a. Keimahni in han ti dawn ila SPA ami project atana earmark si kha Education atan, hlawh atan tih emaw kha a theih si lo va. Chu chuan Planning Commission ber awm tawh lo mahse, a thu

hnutchhiah kha a khauh ngaiin a la khauh reng a. Tun kum 2014-2015 chhunga a khauh reng hi keinin kan zawm lo thei si lova. Chuvang chuan kum dangah plan discussion kan ti a, Aizawl-ah leh Delhi-ah te kan Officer rual an tleh thlak hum hum ang kha a awm tak loh avang khan han siksawi hret kha a awm ta lova, department engemaw zatin hlawh lak tur an nei lo tih pawh hi thudik a ni tlat a ni, a har khawp mai. Helai hi engtinng e kan chin fel dawn tih hi tunah hian kan la ngaihtuah thei lo va. Pu Speaker, ni 27 ah hian kan Chief Minister zahawm tak hovin Planning Board hi full sitting kan nei dawn a, chhungah chuan kan ngaihtuah tur agenda pawimawh tak te zing ami a ni dawn a. Hemi hi sawi a ngaihna em em chu Planning Commission khan kan pawisa CSS te nena rawn lut vek ₹ 3140 lakh hi plan ang in in duh ang ang in lo hmang rawh u min ti sela chuan kan harsatna hi kan tifel ve zo khawp ang state pumpa ve reng ruang chuan. Mahse, an khauh ngaiin an khuah vek si a, chuvang chuan kan dinhmun a harsa ta hle a ni, khalai kha kan member zahawm tak te pawhin min hriatpui ula. Kum dang ang ah hetiang hi wawi khat mah ala awm ngai lo va Indian History-ah a vawikhat awmna a ni, kha kha min hriatpui ka duh a, mipui lamah leh sorkar hnathawk engemaw zatah pawh kan hrilhfiah a ngai a.

Hemi chungchangah hian Pu Speaker, 1976 khan...a ka kal tumin Denis Firm an ti a, Meghalaya sorkara Bawng supply-tute Denmark ami an engineer lo kal te nen kan inkawmnaah an Firm-a kan kal a thil pakhat vawiin thlenga ka la chhinchhiah reng chu “Bawng in mamawh a, kan rawn supply che u a, a dam lova, damdawi leina tur in nei lova, damdawi chu market-ah a available, mahse tul miah lo, hmanhmawh thlak pawh ni lo, helai step hi cheng sing telin in siam tho si a, India sorkar awmdan hi enge maw in awmzia le ? Ran tan an damdawi tunah an mamawh ngawih ngawih keini hnen atanga in rawn lak chhanchhuahna tur atan, “Pawisa hman tur kan neilo, a head ah a awm lo”, in ti a, tul vak lo a kan ngaih hmanhmawh thlak pawh ni lo step siamna tur hian hei an siam map map reng si a” an ti a. Khang ang deuh hlek khan Planning Commission-in thatna a neih lai hian CSS kan tih te, nichina member zahawm tak Pu Joseph Lalhimpuia rawn sawi ang te kha a rawn chhungkhawm vek a nih chuan kan state hian kan tangkai pui zawk thei ang tih ngaih dan ka nei a. Plan leh non-plan kan tih te pawh hi a hrechiang lehzual leh a hre thukte chuan kan Finance Minister chu a mawl mang e aw an ti mai thei, mahse pawisa hi state puitling mawhphurhna nei federating unit ni ve tan chuan engatinge heti em em a rigid-a a awm, kan mamawhah hian kan hmang thei dawn lawm ni. Mahse, state puitling ve lem chuan plan kan nei ang a, hei hi kan ngai pawimawh hmasa a ni, hei hi a dawtah nise tih te chu kan nei ngei ngei tur a ni a, national level-ah pawh chutiang chu kan nei a nih rual khan.

Chuvangin, Planning Commission rawn thlaktu turte hi chuan hemi khauh tlatna lai, mamawh phuhruk hleih theih loh khawpa khauh tlatna lai hi chu a la rawn kuai nem dawn a nih a rinawm a, that pawh a tha zawk mai thei a.

Member zahawm tak Pu Joseph Lalhimpuia rawn sawiah khan hetiang hi CSS 66 zet mai rawn lut tawh tur nen, a dang thenkhat rawn lut tur nen hetiang a nih dawn hi chuan 'Screening Committee a pawimawh a ni' a ti pawh hi Pu Speaker, a pawimawh tak zetin ka hria a, kan kal zelna turah hei hian he sorkar hmel hmang pawh hi a ti danglam thei viau dawn ang tih pawh ka ring a ni.

Pu Speaker, ka Demand pali Law & Judicial Department, Taxation Department, Finance Department leh Planning & Programme Implementation Department te Judicial Department-ah nuai 2781.15, Taxation Department-ah nuai 1233.30, Finance Department-ah nuai 49718.58, Planning & Programme Implementation-ah nuai 27030.26, a vaia belhkhawm nuai 80763.29 hi he House hian kumin 2014-2015 a hman atan min pass sak ngei turin ka dil e, ka lawm e.

SPEAKER : Tunah kan Finance Minister zahawmtak Pu Lalsawta'n a department chan pali a kan pawisa hman tur nuai 80763.29 chu he House hi pawmpui turin a rawn dil ta a, hemi pawisa pass remti zawngin 'remti' ti rawh ule, remti lo kan awm em? Awle Pu Lalsawta, Minister zahawmtak Demand No. 4-na, Law & Judicial, 8-na Taxation, 9-na Finance Department, 14-na Planning & Programme Implementation, a zavaia belhkhawm cheng nuai 80763.29 chu he House hian kum 2014-2015 chhunga hman atan lungrual takin passed a ni.

Pu LALSAWTA, MINISTER : Pu Speaker, Ka lawm e.

SPEAKER : Tunah Pu Lalthanliana, Minister chan kan sawiho tawh kha lo wind-up in pass lo dil nghal tawh mai sela.

Pu LALTHANLIANA, MINISTER : Pu Speaker, ka lawm e. Kan Department chan te sawihona ah sawitu kan tam lo viau mai a, amaherawhchu, Pu Speaker, kan MLA zahawm tak tak te he House chhung kher lo ah pawh an bial tan leh tul an tih ang te, an

mamawh leh tha an tih ang te, engtiklai pawhin kan office-ah a ni emaw, Department hotute hnenah sawina hun tam zawk an nei a ni, inthlahrung hauh lo sela tih kha kan sawi duh a.

Pu Speaker, vawiinah hian kan Demand ka Department chan pathum, a hmasaber in Social Welfare Department-ah hian sawi em em tu kan awm lo na a, kan kalphung pangngai piah lama tlema Department in kan hmalakna thar deuh te han sawilan ve hrim hrim tha in ka hria a. Social Welfare Department hnuai kan kalphung ICDS-a kan hnathawh leh kalphung pangngai chu a tlangpuiin kan hria a, hemi hnuai ah hian Integrated Child Protection Scheme kan nei a, chumi ah chuan naupangte dikna leh chanvo humhim te a ni a. Hemi atan hian tun kan sorkar hian nasa takin hma a la a, a thawk tur ringawt atan pawh hian staff 188 kan la a, tunah pawh a then advertise mek a ni. Tin, chumi hnuai ah chuan tunhnai ah hian district panga ah Shelter Home kan ti a, naupangte enkawl an ngaih huna enkawl tur te khatiang khan hmalakna thar kan han nei leh te hi vawiinah Zoram tan kan tar lang duh hrim hrim a. Tin, Social Welfare Department hi Education department kan ni hauh lo na in kan Department hnuai ah hian zirna EKLAVYA kan ti a, Model Residential School kan nei a, tunah hian Lungleiah Class VI-XII thlengin Pukpuiah sawn kan nei a. A thlawnin naupang harsa zawk te zirna residential kan siam a, an result pawh a tha em em a. A dang thar nei leh turin Serchhip-ah tunah hian vaibelchhe 12 in kan sa mek a, reilote ah zawh beiseiin kumthar session-ah chuan school pawh tan a, hawn kan in beisei a, chung te chu he Department hian a lo ti thin a ni tih te pawh min hriatsak lo mai thei a, vawiinah ka'n tarlang duh a. Heng hi naupang rethei tak tak te, school kalna a harsa BPL family te tan central sorkar ruahmanna hnuai ah kan Chief Minister kaihhraina in chak taka hma kan lakna zarah kan nei a ni tih kan sawi duh a.

Tin, Tribal Girls Hostel hi Tribal Welfare Ministry atangin kan Department hian vawiinah hostel engemawzat sanction kan hmu tawh a, heng hi Consultancy Firm kaltlanga tih a ni a. Tunah hian pahnih lai chu kan hawng tawh nghe nghe a. Saitual leh KM Higher Secondary School-a kan sak te a ni a, heng hi a tlangpuiin Vaibelchhe thum leh nuai sawmruk chuang man te a ni a. Tunah hian sak mek hmun engemawzat ah kan nei a. Saiha leh Mamit leh Lunglei atan te pawh tunah hian sanction thar kan nei leh tawh a, 50% min rawn released leh tawh nghe nghe a ni. Chutiang te chu Social Welfare Department in hma kan lakna a ni a. Tin, India ram sorkarin a district hnufual bik, 90 tan development a siamna tur ah Mizoram-ah Lawngtlai leh Mamit thlan kan ni a. Hei hi

11th Five Year Plan chhunga ruahman a niin Mamit District atan ₹ 21.6 crore ruahman a ni a; tin, Lawngtlai tan ₹ 24.3 crore ruahman a ni a. Hemi atang hian vawiinah hna tam tak kan thawk tawh a, school te kan sa a, hostel te kan sa a, ITI building te kan sa mek a, chutiang chu kan hmalakna a ni tih he House hi ka hrilh duh a. Tin, (Twelfth) 12th Five Year Plan chhungah a district ni lovin a block bik thlan pathum Mizoram ah kan nei a, chu chu Chawngte Block leh Lawngtlai leh West Phaileng Block te an ni a. Hemi atan hian Cheng vaibelchhe 4.5 theuh an hmasawna tura ruahmanna turin central sorkar in min remtih sak tawh a. Tunah hian 50% Vaibelchhe 4.5 atang hian a chanve min rawn released tawh nghe nghe a. A bak zawng la bang hi a ranglama project theh lut tura min tih angin ruahmanna kan kalpui mek a. Heng kan hnathawh zawng zawng hi Pu Speaker, a implementing agency atan Deputy Commissioner kaihhruaina hnuai ah Committee fel tak din a kalpui a ni tih he House-ah hian ka'n tarlang duh a ni.

Tin, vawiinah kan sorkar hi a thar a, central sorkar pawh a thar kan han hrawn a, kan Finance Minister zahawmtakin a sawi ang khan an kalphung Planning -ah leh engkim, kan department-ah pawh hian hriatthiam hleih theih loh hi a la tam mai a; sanction te eng chiah nge ni ang tih te pawh kan nei ve nual a Social Welfare Department ah hian. Hman deuh lawk khan Tribal Welfare Ministry atangin vaibelchhe 2.36 vel sanction kan hmu a, chu pawisa chu khawi a hman tur nge tih a ziaak chuang reng reng lo mai a. Khatiang khan kan DPR theh lut atanga sanction ni silo te kha a awm a. Tunah hian National Social Assistant Programme hnuai ah Pu Speaker, tar pension kan tih te, widow pension kan tih te, disable pension kan tih te, National Family Benefit Scheme kan ti a chhungkhat a eizawngtupa ber a thih a tanpuina cheng singhnih kan pek thin (khatiang te kha NSAP hnuai ah hian kan pe thin a ni). atan 2013-2014 ah khan a vaiin cheng nuai 830.09 hi min pe a ni, tuna kan kalphung mek ah. Tunah hian 2014-15 atan hian nuai 2432 min rawn pe tawp mai a, a eng ang zawng lawm tur nge tih chu ka sawi mai thei lova. Amaherawhchu, a let hnih dawrhin NSAP ah hian central sorkarin min rawn pe tam a. tar pension hi a pung dawn nge? Widow Pension hi a pung dawn nge? Disable Pension Scheme hi an lak a pung dawn nge? National Family Benefit Scheme hi singhnih ni tawh lovin singnga a ni dawn nge? A number hi tih tam a ni dawn tih lam hi chu ka sawi thei chiah lova. Amaherawhchu, a let hnih tawp mai a he NSAP hnuai ah Mizoram in kan han hmu ta mai hi a lawmawm hle a ni tih vawiinah he House-ah hian ka'n sawi duh hrim hrim a.

Tin, tun February thla chin a tar pension la lai meka kan sum pek tawh chin hi vawiinah hian member ten sawi lem lo mahse (Bial tam takah pawh a nih ka ring a) tar Pension te

hi an thlahlel thei em em a, tunah hian September thla thleng central-in minrawn pe fel tawh a. Krismas hmaa pek hram te pawh kan lo tum ang tih kha ka'n sawi tel duh a. Chu chu atlangpui han react em em tur a awm lo nachungin Social Welfare Department-ah hian kan sawi lang ve duh hrim hrim a.

Tin, Pu Speaker, (Local Administration Department) a kan sawi lan ve duh chu, (nia, term hmasa te pawh kan sorkar ani a, tin, kan hotute duhsaknain keini te pawh a enkawltu kan lo ni a) kan hun chhungah hian kan ramah rorelna fel leh tha zawk a awm theihna tura pawimawh te ber zing a mi chu Village Council kalphung te, nihphung te ngun taka enkawl a ni a. Hemi atan hian theihtawpin kan sorkar hmasa atangin kan hotuten hma an la a, chutah chuan Village Council inthlana vote pawh lei theih, bollot paper mimal bawm bika thlak te a lo ni a, an ak chhuak a, an hralh a, khatiang khan kan inthlan system te pawh engtingge a tihtawp theih dan ni ang tiin a tih tawp dan te pawh kan ngaihtuah a. Bawm hran awm tawh lova bawm khata thlak dan te kan han ti chho a.

Tin, chu mai bakah member inzat pali leh pali, pali member awmnaah pahnih leh pahnih an lo tlin a, ruling advantage awm thin lutuk te pawh hei hi rorelna fel leh tha zawk a ni lo tiin a number te pawh a inkawpkim lo te khan dan enin kan han siam tha a.

Tin, inthlanna nisela, a enkawltu Local Administration Department chu sorkar laiin a enkawl an ni, chuang chuan felfai taka inthlanna leh hleih nei lova inthlanna a awm theih nan State Election Commission kutah inthlanna pawh dah nise kan han ti chho a, tiang khan kan kalpui a ni a. Vawiin hian kan ramah thil thar, kalphung thar nei tur in hmanni lawkah Pu Speaker, helaiah Bill pawh kan han pulut a. Kan ram rorelnaah hian hmeichhia ten dinhmunrawn luah ve sela, chu chuan kan khawtlang nun kal chho ah te, engkimah kan ram tan that zawkna tur te a nei ang tiin Woman Reservation te pawh i ho in kan han ti thar kha a ni a. Tin, kum 3 term ni thin pawh tuna Village Council term kan thlan leh na hmasaber atang chuan kum nga han ni chhin sela, hnathawktu tan pawh thawh tak takna tham nisela ti tein kan hotuten ngaihtuahna neiin bill te pawh kan han pulut a ni a, kan inhriatpui a.

Tin, tunlaiin khawtinah khawlian a ni emaw, a te a ni emaw kan ran te khuahkhirh a, kan eizawna atan kan ran te khuahkhirh a tulna piah lamah khawtlang tan faina leh thianglimna atan pawh kan ran te khuahkhirh a ngai a. Khawtinah thiam ang anga Village Council ten kan inkhuahkhirh nawk nawk hi a tha ber lo ve, tiin "The Mizoram Animal Control

and Taxation Bill te pawh kha helaiah kan rawn pulut a, tluang takin kan pass a. Khang dan hmang te pawh khan kan ramah khawtinah, thingtlang bikah te pawh kalphung fel zawk awm thei turah kan ngai a ni.

Tin, Rajiv Gandhi Panchayat Shakshakikayan Abhiyan an ti a RGPSA hi central ministry hnuaiiah khuan, hemi hnuaiiah keini Local Council Village Council te pawh hian project te siam a, DPR te siam a sum tam tak hai luh theih dan awmin a lang a. Chumi atan chuan keini Department-te pawhin theihtawp kan chhuah a. Kum kal ta nikumah, tun kum chho ah khan cheng nuai 8748.49 DPR siamin hengte hi central-ah kan thehlut a. A funding hi 90-10 a pek a ni a. Hei hi kan rama Village Council enkawl nan te, State Election Commission enkawl nan te, SIRD enkawl nan te a project kan siam a ni a. Hei hi sanction te pawh kan hmu thei turah kan ngai a, chutiang hmalakna chu kan nei a ni tih kha kan sawi pah duh hrim hrim a ni.

Tin, kan sum te kum dang angin tam lo mahsela, kan Finance Minister zahawm takin Department te min hrilh angin LAD pawhin kan neih ang ang hi Pu Speaker, tangkai taka hman, asset ro tling eng emaw tal siam hi kan tum a ni a LAD-ah pawh. Chuvang chuan sum tlemte kan neih atang pawhin tun kum sumah hian Aizawl leh a chheh vel ah Aizawl khawpui chhungah a ni emaw han len khawhawanna, han intihhlamna tur hi naupang leh kum upa lam thleng hian kan nei lo hrim hrim mai a Mizoram hian. Chutiang nei thei tur chuan kan hotuten theihtawp an chhuah a. Hlimen Local Council te sawn ram zau tak mai min pe a, eng eng emaw khawtlang mamawhte sawi pahin kei pawhin a hmunah vawi 2 ka va tlawh tawh a, chutichuan ram tha tak mai 'Lalsavunga ral dan kawn' an ti a 'lungden mual' an tih pawh a awm a ni a. Lalsavunga kha Aizawl khawpui dintu a ni a. Chuvangin, Lalsavunga hming chawiin Lalsavunga Park han tih a Aizawl nula tlangval, naupang upa te thleng pawha kan va kal theih vek tur ang hi kan neih ang ang hian bul tan kan tum a. Pawisa te a tam lo va, amaherawhchu, tlema ro tling thei turah kan ngai a, chu chu kan inngah tumna pakhat a ni.

Tin, vawiinah hian 13th Finance Commission atanga kan sum hmuh te a tangkai thei ang bera hman kan duh a. Chutah chuan tunah hian Village Council tinah, khawtinah Solar Street Light hi Zeda kaltlangin Ministry of Energy-ah an subsidise-a keinin 10% lek tumin khawtinah hian dah kan tum a. A enchhin nan khaw engemaw zatah kan han ti a. Tunah hian khaw thenkhatah chuan install a ni tawh a, an tih tawh chinah chuan a eng tha hle an ti a. Tuna kan performance grant hmuh nuai 216 awm mek hmang hian thingtlang khaw tam zawkah Solar

Street Light tam zawk LAD hian khawtinte pek kan tum leh a, chutiang chuan hma thar kan chhawp a, hma kan la mek a ni tih kha he House ah hian ka'n sawi duh a.

Tin, kum tina kan lo tih thin Housing Loan hi LAD in kan sem thin a, a hma khan LIC atangin kan sem thin a, amaherawhchu, LIC a tawp a, Plan sum atangin kum hnih chu vaibelchhe 4 min pe a, kan sem mai a, amaherawhchu, tun kumah hian kan nei dawn lo tih ka sawi duh a. Amaherawhchu, loan te hi a recovery hi duh angin a tha lova, sorkar tan pawh han chhunzawm, sorkar sum atang pheih chuan a harsa em em a ni a. A bikin sorkar hnathawkte tan erawh chuan awlsam zawk leh Bank aia interest tlem zawka lak theih dan kan dap a, HUDCO te pawh kan approach tawh a, harsatna awm turah kan ngai lo va. Tun kumah kan tih hman tawh loh rualin nakum atang chuan HUDCO atangin a bik takin government servant tan Housing Loan kan tih ang chi kha ruahman hram hram LAD hian kan duh a, chutiang chuan hma lak kan tum a ni tih kha LAD ah kan sawi lang duh leh hrim hrim a.

Tin, a tawp berah Horticulture Department-ah Pu Speaker, ka'n lut duh a. Kan member zahawm tak Pu Mahima'n kan sum tam tak hmuh te hi a taka hlawhtlinpui hi tum ni sela, ti a a duhthu a rawn sawi kha a lawmawm a. Chu chu keini pawhin kan duh leh kan tum a ni a. A tangkai thei ang bera kan sum hmuh te hi hman kan tum a.

Horticulture Department hnuai hian Mizoram-ah kut hnathawktu farmer chhungkaw 23829 vawiinah hian beneficiaries kan nei a. Hetah hian ngun takin he NLUP a kut hnathawktu te, kan farmer te an eizawna ngel nghet siam sak kan tum naah hian a thlawnin he thil hi a luangral ang tih department pawhin kan hlau em em a. Chuvang chuan kan department te hi chuan hian survey mumal takin DHO tinah kan nei a. Tuna NLUP a kan kalpui tawh chin 1st leh 2nd phase a thlai tiak Tung a ni emaw, orange a ni emaw, kuhva a ni emaw, NLUP hnuai a kan Trade thlangtu zawng zawngte eng nge an dinhmun tih chiang taka kan hriat nan survey tur a ni kan ti a. Tichuan theih tawp chhuah in an han survey a, beneficiary te pawh a theih chen chen an tlawh a. Chuta House-a kan sawilan ve duh hrim hrim chu, he Horticulture Department hnuai NLUP Trade thlang tute hlawhtlin theihna chance tun dinhmun a (tunah chuan an thlai phun kha kum 3 kum 4 a puitling tur a ni a, ala tling lova) an survival chance neih theih ang kan department officer ten an survey-ah chuan Serchhip district-ah hian 78.84 hi chu an trade thlangtu teah hian hlawhtlin theihna chance a awm a. Tin, Lunglei district-ah hian 76.72 a ni a. Tin, Champhai district-ah hian 66.11 a ni a. Saiha district hi a hniam hle mai a, 10.95 a ni. Member zahawm tak kan MLA te pawh helamah hian in lo tan ve ka duh khawp mai a, hei hi hlawhtling se kan duh a ni. Tin. Kolasib district-ah

hian 74.27 a ni a. Aizawl district-ah 69.86 a ni a. Lawngtlai district-ah 59.16, Mamit district-ah 61.30 a ni. Chutiang chu district tina Horticulture hnuai trade thlangtu te dinhmun, an hlawhtlin theihna percentage a ni a. A overall a lakin 67.93 a ni. Hemi hi a hlawhtlin a, a tak a chan theihna turin department hian kan enzui a, theih tawp kan chhuah a ni tih kha kan sawi duh a. Tichuan heng ang hi a zawng zawngin 50% -ah pawh lo tla ila, he ramah hian hlawhtlin na nasa tak kut hnathawktu ten NLUP avangin an hmuh hi kan beisei tak zet a ni.

Tin, kan scheme neih hrang hrang atangin heng NLUP a ser kung 200/300 lo phun a, kung 200 chauh emaw, 100 chauh emaw lo dam khawchhuak a, han phun belh duh te pawh kan dawm zel ang a. Chutiang chuan kan beneficiary neih ang ang te chu enkawl chhoh zel pawh hi kan tum hle a. Tin, dDepartment officer te pawh kan ko khawm a, kan ram hi horticulture ram a ni a. Kan eizawna tam zawk in nghahna pawh hi horticulture a ni a. Chuvangin a pawimawh em em a. Kan ram kal zel turah pawh kan in ruahman fel theihna turin data fel tak, statistic fel tak neih kan mamawh a. Chuvangin tunah hian kan DHO zawng zawngin district tinah he khuaah hian serthlum ching eng zat nge a neih, ching eng zat nge awm ? Kung eng zat nge a neih ? Tung eng zatin nge ching ? Tun atanga kum 2 kum 3-ah kan ramah hian serthlum eng zat nge kan tharchhuah ang ? Kuhva eng zat nge kum 4 kum 5 hnuah kan tharchhuah dawn ? Data fel tak neiin he Horticulture Department hian kan kut hnathawktu te keimahni hnuai ami hi chu kan hria ang a. A market lo ngaihtuah lawk tur kum 4 kum 5 a ngai a nih pawhin chutianga sorkar a lo in ruahman theihna tur chuan tiin data fel tak nei turin kan in ti a. Tunah hian Lunglei district phei chuan an rawn peih tawh a. Chuvangin hetiang a kan kal chuan kan ramah hian Horticulture-ah hlawhtlinna tha zawk hmuh hi kan beisei a ni. Chu chu vawiinah hian uar takin kan sawi duh a.

Tin, kan rama kan thlai thar theih si, a market pawh awm si, engati nge Silchar atanga kan lak luh thin ? A lo theih lohna chhan eng nge tih te pawh kan dapchhuah a tul a. Chuvangin tun kum phei chu purun sen te pawh hi a tha duh em em a. Engah nge Silchar atanga kan lak luh kher ei kan tum ? Chuvangin in uar deuh chhin ila, kan ti fuh lo a nih pawh in a fuh lohna chhan tal hre tura kan kal hi a tul kan ti ve a. Chuvangin a chi ringawt pawh 3 quintal chuang kan lei tira. A ching duh tu pawhin a chin duh chuan ching rawh se. High School zirtirtu pawh ni rawh se, sorkar hnathawktu pawh ni rawh se, a taka ti duh a, a product siam thei tur a nih chuan. Chu chu kan kalpui a ngai kan ti a. Tin, horticulture-ah hian kan approach hi kan hriat chian a ngaiin ka hria a. Pakhatah chuan retheite leh kut hnathawktu te kan khai chhuahna lam chu a ni na meuh a. Amaherawhchu a production increase zawng a thil hi kan kalpui loh chuan hlawhtlinna tak tak hi a awm thei lo. Vety Department-ah pawh hian ka ti deuh thin a, ka thianpa a changtu pa bulah,

vawkte sem dawn te hian hmeithai ringawt rilrua kan neih chuan vawkte product hi a pung tak tak dawn lo reng reng. Chuvang chuan a production increase zawng a kan kal a, mi hausa zawk te, awm thei zawka kan ngaihte pawh in huan thlai tha engkim an siam a, sorkar pawhin a puih tul a puih hi a tulin ka hre deuh a. Chutiang chuan tuna purun kan han tih te pawh hi a tha a.

Tin, kan thlai tharchhuah, Mizo ten kan tharchhuah hi tih to hmasak kher hi a fuh lo a ni. Tunah pawh purun kan uar ang a, DHO tina ka chah tir chu Silchar rate aia tlawm a hralh tur in ngah tum tur. Tichuan Silchar rate aia tlawm a kan hralh chuan kum 2 kum 3 hnuah chuan Silchar atang khuan tuman an rawn phur lut peih lo vang. Chutih hunah chuan kan rama kan mamawh zawng zawng chu keimahnin kan capture dawn a ni. A tirah Mizo thar kan ti to a, Mizo thar kan ti a, Silchar atangin a tlawm zawkin a lo kal si a, kut hnathawktu te beidawn naah kan lut leh a ni. Chuvangin a tirah hian duham lo ila, kum 2 khat chu Silchar aia tlawm zawk in, hlawk pui lo deuh in, a tha ang pawh a hlawkna awm lovin lo ti ila, kum 2 kum 3 hnuah helaia tlawm zawk hi chu Silchar vai ho khuan purun an rawn putlul peih ka ring lo tlat. Chutiang chuan kan kalphung te, kan ngaihtuahna te hi thlak deuh a kan tih a tulin ka hria a. Keimahni Mizo thlai thar chhuah te pawh kan in ngaihsan sak te pawh a tul a ni. Chutiang chuan kut hnathawktu 60% chuang te hi phur taka an kal theih na turin kan theih tawkin ngaihtuahna kan hmang ve a ni tih kha kan sawiduh ve hrim hrim a.

Tin, Horticulture Department hian kan sum hnar ber pakhat chu MIDH kan ti a (Mission for Integrated Development of Horticulture) a ni. Chuta tang chuan vawiinah hian vaibelchhe 52 min rawn approve tawh a. Heta tang hian vaibelchhe 26 min rawn release tawh a. Hemi hnuai hian scheme hrang hrang hnathawhna tur a awm a. Hetah hian department anga kan han sawi ho pawh a kan ngaih pawimawh pakhat chu Mizormah huan kan nei a, eng thlai thlai emaw kan ching a. A tawp a a tlangpui beidawna leh kan hlawhchhamna problem, common problem deuh a kan neih tlangpui chu tui a harsa tih a ni. Chuvangin individual water tank kan tih ang chi te, community tank ang chi te, water reservoir lam hi he mission hnuai atang pawh hian a tam thei ang ruahman theih hram hram kan tum a. Hemi atang hian vaibelchhe 6 leh tih hi khatiang lam hawi atan khan kan ruahman nghe nghe a. Tin, tun kum kal ta sumah khan kan huan neih dan te hi thingtlang 2 km, 3 km kal va nei te kan ni hlawm a. Chuvang chuan cement tanky tha tak siam turin cement phurh luh a harsa a, brick phurh luh a harsa a. Chuvangin awlsam zawk, pre-fabricated tanky, a hmanrua rangva te han phurh a, a hmun a fit khawm a, tanky tha taka chhuah theih dan te, technology thar te a lo awm a. Chung ang te chu in enchhin teh ang tiin hmun 30 chuangah kan enchhin a. Kan officer te, kan hotute pawhin a hmunah an siam zawh te tha tak in an en a. Chung te

chu tam zawka introduce te a tha a ngem ? Tin, awlsam zawk zawka Geomenbrand an tih te phah mai, kum 15 lai quarantine awm an tih ang chi te hi hmang ila, chumi hmanga khuara tui mi in a lo store theih chuan kum 4/5-ah alo hlawhtlin theih chuan amah pawhin tanky tha tak a huan atan a siam thei tawh ang a; tin, hmanrua tlawm zawk te pawh kha heng atang te hian kan ngaihtuah a.

Tin, chhim lamah centre of excellence ngaihtuah thei ila, tun kum pawisa ah hian vaibelchhe 5 ruahman ila, nakum leh ah vaibelchhe 5, chutiang chuan kalpui a tha lawm ni kan hotuten an ti a. Tichuan Haulawng leh Mualthuam in an ram inri naah ram an neih ang ang te min pe a, ram zau tha tak Haulawng thlen hma, Mualthuam pelh ah sawn kan nei a, sawtah sawn vaibelchhe 10 chuanga centre of excellence din kan tum a, tun kum atan vaibelchhe 5 phei chu year mark a ni tawh a. Heta tan hian engtingge a technology tur ah tunge hmang ila tha ber ang tih te kan hotuten an ngaihtuah a, Israel pa mithiam consultant atan ruaiin tunah hian chumi atana DPR te chu siam mek a ni tih kha kan sawi duh bawk a ni. Tin, Pu Speaker, Horticulture ah hian RKVY an ti a, heta tang hian sum tam tak kan hmu bawk a. Tunah hian RKVY hnuaiia Stream I an tih ah hian ₹ 1225 lakhs kan nei a. Hemi hnuaiiah hian green house kan tih te, thei chi hrang hrang kan thar chhuah tam zawk theihna tur atan hmalakna lam a kawk a. Tin, Stream II ang deuhah hian National Vegetable initiative for urban cluster an tia, chu chu khawpui chawm tura thlai lampanga hmalakna a ni bik a. Hei hi Aizawl khawpui leh Lunglei khawpui ah kan han ti chhin ang a, heta tan hian ₹ 200 lakhs kan ruahman a, khawpui chawm tura a chhehvel a thlai thar chhuah tam zawk theih nan chutiang chu ruahman a ni a. Tin, RKVY Scheme hnuaiiah hian Pu Speaker, Saiha leh Lawngtlai district hi kan cover ve dawn lo va, a chhan chu District Council-ah a hranpa a RKVY sum hi an hmuh ve tho vang a ni tih kha kan sawi lang duh a.

Tin, National Mission for Sustainable Agriculture an ti a, (ANMSA) heta tang hian tunah hian sum kan hmu a, kan lawm khawp a. Hei hian a tum ber chu tui harsat avangin thlai tam tak thar that theih a nilo a ni tih kan Chiang a, chutah chuan tui, kan thlai chin te tana awlsam zawka kan pek theihna tur te; tin, tui pekah pawh a economic thei ang bera drip irrigation ang chi in emaw, springler ang chi in emaw kan thlai te tui pek theihna tur technology bik kha hei hian a tum a ni a. Chumi atan chuan NMSA atang hian ₹ 639 lakhs minrawn phal sak a, tunah hian ₹ 450 lakhs phei chu minrawn release nghe nghe tawh a ni. Chutiang chu kan Horticulture department atanga sum kan hmuhna tur chi anga kan hmalakna tlangpui te a ni a. Pu Speaker, vawiiin hian kan sawi vek seng lova, engpawh nisela, hetiang scheme hnuaiiah te kut hnathawktute, kan farmer taima tak tak te, tanpui phu tak tak te hi a department angin kan va cover seng vek lo thei a, heng angah pawh kan MLA member zahawm tak takte hian mahni bialah vulh tlak tak taka an ngaih te

kan Department a khatiang scheme alo awm bawk anih si chuan khang angah te pawh khan inthlahrung lo ila, Department-ah te pawh khan kan lo sawi tam ve a tha in ka hria a. Kan opposition unau te pawh inthlahrun na tur a awm lo a ni. A lehlamah ruling chauh hi in in duhsak min han ti a, an bialah erawh chuan kan party mi leh sa te vuina ber chu an ni pawh an party pui lo chu lehkha an ziah sak duh lo reng reng an ti a. Chutiang deuh chuan inthlahrung lo in kan MLA member zahawm tak tak te kan department chan ah hriatthiamloh kan nei emaw, kan mipuite, kuthnathawktute tanpui kan duhna kawngah kan inhawng reng a. Inthlahrung lo turin vawiinah hian kan in chah duh a ni. Chutichuan Pu Speaker, vawiinah hian ka demand Department pathum, demand No 19-na, Local Administration Department hman atan ₹ 7,310.05 lakhs te, Demand 29-na Social Welfare Department atan ₹ 12,682.68 lakhs te, Demand 32-na Horticulture Department atan ₹ 13,562.00 lakhs te, a total : ₹ 33,554.73 lakhs hi he House zahawm tak hian min pass pui turin ka rawn dil e.

SPEAKER : Awle, kan minister zahawm tak, Pu P.C.Lalthanlian'an a Department chan te demand no 19-na, 29-na leh 32-na a hman tur pawisa ₹ 33554.73.00 kumin chhunga hman theih turin House-ah pass a rawn dila, pass remti zawngin 'remti' ti ang ule, remti lo kan awm em ? Awle, lungtual taka pass a ni tih ka puang e. Pu Lalthanliana, Minister : Pu Speaker, ka lawm e. Hei minister chan pakhat kan nei a, Pu B.D.Chakma ta chawhma hun hi hei a ral dawna, kan ti law law mai dawn nge ? chawhnuah kan la dawn ? Awle, tih law law kan ti maw ? Anih leh minister zahawm tak, Pu B.D.Chakma, windup turin ilo sawm ang.

Dr. B. D. CHAKMA, MINISTER : Pu Speaker, ka lawm e. Hun chu a pel tawha, mahse hun min pek belh angin engpawh nise, kei chu kan party dan work more talk less, angin ka kal duha. Chuvangin minute 5 lek ka han sawi ve ang e. He House zahawm tak ah hian vawiin chu sawifiahna nilo in House zahawm tak kal tlangin Mizoram mipuite hnenah ka ngenna nise la, mithar ka nih avangin, Fisheries leh Sericulture Department-te hi Life Science a ni a. Doctor ka ni bawk a. Life Science a nih angin Fisheries chungchang tlem ka han sawi hmasa ang a. Fisheries Department hi Mizoram sum nilovin CSS atanga lokal vek a ni a.

CSS chu kan hriat angin a strict hle a, pawisa hi a hun takah kan hman loh chuan a hun takah UC kan pe thei lo a, UC kan pek har chuan central in pawisa min rawn pek har bakah target kan phak loh chuan pawisa hmuh tur ang kan hmu theilo thin a ni. Time bound vek a ni a, hun a liam tawh chuan tihngaihna dang a awm tawh thin lo a ni. Fisheries lamah kan enchuan mipui zawng zawng te hian kumtin a improve anlo beisei thin a ni.

Tanpuina vawikhat hmuh a hlawhtlinpui tum an awm laiin hlawhtlinpui tum lemlo an tam a ni. Vairamah chuan chutiang an ni ve lo, tanpuina vawikhat an hmuh chuan hlawhtlinpui an tum a, tihtakzetin an thawk a, dinchhuah pui nan tam takin Fisheries hi an hmang mek a ni. Central sawrkar pawh hian kumtin improvement hmuh hi a rawn beisei bawk thin a ni. Chuvangin, tunah CSS hi Senior Grade atangin kum kal tawh ah khan an strict viau tihna a ni a. Chuvangin, nakin zelah one time improvement hi kumtin awm loh chuan nakinah he scheme hi an rawn titawp dawn niin kan hria a, pawisa a hmanna tura hman a, Sangha fingerlings supply te, fish seeds supply te beneficiaries ten a hun takah hmang se ka duh a, he House zahawm tak kaltlangin Mizoram mipui zawng zawng te ka han ngen che u a ni.

Tichuan, Sericulture lam pawh Life Science tho a ni a, hei pawh hi CSS hnuai tho a ni. Central Silk Board leh North East Textile Promotion Scheme lam atangte in pawisa hi kan dawng tihna a ni a, tunah hian computerised a ni a, satellite atangin central lamin tunge thawk tha a, tunge thawk tha lo an en vek tihna a ni. Silk Board Scientist ho khan Mizoram pumpui an rawn kalin an rawn hmu thei vek a ni.

Potential areas kan neih dan leh neih loh dan te an record vek a ni. Chuvangin, helai hmun atan hian eng scheme nge tangkai ber tih te anmahni in an hre em em zawk a. Pawisa pawh hi CSS hnuai atanga lo kal a nih avangin a hun taka hmang turin mipuite ka ngen che u a. UC hi a hun takah kan pek a ngai a, kan pek theih loh chuan nichina ka sawi ang khan Central lam atangin pawisa an rawn release thei lo mai ang tih a hlauhawm a ni.

Chuvangin, Sericulture pawh hi pangang khawina lampangah sensitive lutuk a ni a. Thla hmasa khan Lawngtlai kan tlawh laiin, Saikah beneficiaries thenkhatin min rawn hmu a. 'Ka pu, pangang khawite vawilekhatah an thi vek mai', an rawn ti a, a chhan min rawn zawt a. Ka hriat ruk danin an hnaivaiah khan DDT awm vang a nih a rinawm a. Pangangte hi nausen enkawl ang deuh a ni a, enkawl uluk an ngai em em a. Sik leh sa inthlak vang leh pollution engemaw a awm chuan vawilekhatah an thi puk mai thei a ni.

Chuvangin, Sericulture leh Fisheries-ah hi chuan training hi a pawimawh em em a, Sap hovin 'seeing is believing' an tih ang khan. Beneficiaries ho hnena ka ngenna chu pawisa pek ruala engemaw training a kohte an nih chuan, training ngei ngei turin ka ngen a ni.

Pu Speaker, House zahawm tak hnenah hian ka hnuaia department pahnih Demand No. 35-na Fisheries - ₹ 2856.85 lakhs leh Demand No. 41-na Sericulture - ₹ 2833.40 lakhs, a vaiin ₹ 5690.25 lakh hi, he House zahawm tak ah Minister leh MLA zawng zawng ten min pass pui turin ka ngen a che u. Ka lawm e.

SPEAKER : Aw le, Minister zahawmtak Pu B.D. Chakma chan Fisheries leh Sericulture, Department pahniha hman tur pawisa ₹5690.25 lakh hman theih tura pass pui turin he House hi a rawn dil a. Pass remti zawngin 'remti' ti ang u le. Remti lo kan awm em? Remti lo kan awm lo. Tichuan, Fisheries Department leh Sericulture Department-a hman atan pawisa 5690.25 lakh House-in lungrual takin a passed a ni tih ka puang e. Aw le, vawiin hi kan ti tha hle a ni ang. Nileng pawh daih lovin, Minister pathum chan Department hrang hrang chawhma-in kan han passed pui vek thei a. Hei hi member zahawmtak ten Budget-a kan tui loh vang emaw, sawi tur kan hriat loh vang emaw, kan sawi peih loh vang emaw ni hauh lovin, kan hun tawng hian hetah hian min hruai lut a ni a. Kumin chung ringawtah Budget pahnih kan passed tawh a, tun tum hi a vawithumna a ni a. Chuvangin, kan tui lo ni lovin, kan sawi peih lo ni lovin, sawi tur kan hriat loh vang ni lovin, kan hun tawngin hetah hian min hruai lut a ni tih he House leh Mizoram mipuiten min hriatpui sela a tha viau-in ka hria. Tichuan, vawiina hun chu kan titawp rih ang a, naktuk tahrak ni 20, zing dar 10:30 AM ah kan kalkhawm leh dawn nia.

Sitting is adjourned. 1:08 PM